


温州府志

ル 5
1571
12



門 儿 205
1571
/ 2

温州府志卷之二十

人物上

儒林 忠臣

名臣 循吏

名賢如山有岳鎮水有江河志地者實以人重東甌
風號海濱鄒魯自宋及明人物磊落冠東南史傳儒
書具在可徵舊志詮序稍雜今分十類曰儒林名臣
忠臣循吏仕績介節孝友義行文苑隱逸依類相次
考核加嚴方技一善成名亦附其後生是地者勿謂
古今人不相及高山景行展卷即得立志希賢而聞
風興起有厚望焉志人物

儒林

温州府志

卷之二十 人物

儒林

温州府志

卷之二十 人物

儒林

一

宋

王景山

舊志初名開祖永嘉人少敏悟書過目輒成誦

方正時伊洛諸儒未作景山獨能發明經蘊著儒志

編曰復者性之宅无妄者誠之源又曰學者離性而

言情奚情之不惡又曰由孟氏來道學不明吾欲述

周行已

儀秀整語音如鐘讀書十行俱下時尙新學行

郡守楊蟠立儒志坊表之學者咸稱此爲東嘉道學倡

已獨往伊洛從二程子遊作顏子不貳過論有曰過

不必大毫未萌於心而天地爲之應悟不必久斯須

著於心而天下歸其仁伊川可之曰是子達早然憂

其退速登元祐第京師貴人欲妻以女行已曰吾姨

母貧女瞽吾母雖不言意已屬吾養志可也辭昏歸

娶焉伊川語人曰某年未三十時亦做不得此事爲

太學博士求便養親詔授本州教授發明中庸之旨

此邦始知有伊洛之學宣和初除秘書省正字卒於

鄆有文集三十卷與許景衡劉安節安上戴述趙霄

張輝沈躬行蔣元中稱元豐九先生伯父彥通弟承

已孫學古俱別有傳族孫去非登第爲張南軒高弟

終紹興倅按舊府志及永嘉縣志俱載行已永嘉人

浮汴書院卽恭叔故居文獻通考則稱其宅在謝池

坊而瑞安新舊縣志載行已與其父正議大夫泳墓

在瑞安杉坑有正議巷慕賢坊在縣城攷文集陶隱

居丹室記稱維揚呂君少逸令瑞邑行已以邑民仕

于鄉校則行已祖籍當在瑞安故瑞有正議巷

而太博遷居永嘉卒葬父墓之側耳附識於此

劉安節

安上

安禮

舊志安節字元承永嘉人與從

弟安上師事程伊川所得最深

登元符第以薦召對便殿言東宮宜擇官屬及論奢

儉君子小人和同之異上稱善除監察御史決大獄

多所平反後謫知饒州徙宣州饒民遮道泣留謂吾

饒自范文正公後惟公一人宣州大水大疫賴安節

全活以萬計爲政不事刑威猾胥自服每相戒曰神

可欺公不可欺卒于官部使者表其勤民致死詔官

其子誠至今宣人戶祝之安上字元禮鄉里推其

學行號二劉登紹聖第大觀初提舉兩浙學事陞辭

温州府志

卷二十一

人物

儒林

二

進對稱旨徽宗稱其蘊籍有大臣體即日除監察御史廷有推鞠多以屬安上遷侍御史嘗奏事退上目送之曰劉安上論事可謂詳審矣屬蔡京擅政黨與蟠結無敢撓其鋒安上疏極數其罪又與中丞石弼等廷劾之京遂罷相歷官右諫議大夫中書舍人給事中後乞外補終朝請大夫文安縣開國男安上天性孝友居親喪幾至委頓在御史不為訐直沽名論事退即削稿豐稷徐處仁薦之未嘗私謝有詩集制誥雜文三十卷學者稱小劉先生從弟安禮字元素舉省試不第遂歸授徒與漢上朱震交厚方臘寇郡協贊劉士英守城以忠義稱

戴述

述字明仲永嘉人孝友直諒為文捺筆立成異等而述未冠也由是知名又以科舉口耳學爾走伊洛求為己之學俄遭父喪哀毀不茹菜果廬墓終喪登元符進士第調東陽簿徙監銀冶以辭不獲賦歸去來十章投檄而歸會州選學官為臨江教授以母憂去抱疾倚廬醫論當遷於內述不可曰疇昔夢有告我死生之說吾其亡此乎六日而卒娶劉元禮

之妹子二顧穎弟迅字幾仲俱以文學稱

趙霄

霄字彥昭瑞安人博學通古今喜論天下事十歲賦猛虎行鄉先生咸奇之少孤季父析其產與兄異財稍長悉以屬兄獨游京師入太學登崇寧第為濟州教授導學者以篤學力行不專專科舉東方士俗為之變名聞京師召處辟雍李彥立一見稱為趙顏子官承事郎卒

張輝

輝字子克永嘉人自六經諸子書歷代史記喪哀毀幾不勝廬墓三年作霜露堂有甘露降於庭人謂孝感所致請以甘露易扁輝曰吾自炫耶不從復築室慕傍日從事治氣養心之學學者從之益眾州舉八行不就政和二年上舍擢第調泰興簿三舍法行選為洪州教授部使者薦諸朝輝被召為國子學錄卒嘗撫古人行事斷以己意曰草堂語人稱草堂先生子孝愷字思謙力學尚節義登紹興庚辰第歷海鹽簿終兵部架閣

林石

石字介夫瑞安人少有志操初習進士聲律既而曰古人之學不如是也遂刻意諸經王安

石三經盛行石獨不趨新學以春秋教授鄉閭未幾
 春秋為時所禁遂絕意仕進躬耕養母或勸以仕不
 答講論古今必先行實而後文藝曰本之不立末於
 何有性至孝遭父喪不茹草木之滋及塋廬墓三年
 母卒年一百十九歲石年九十餘白首執喪不渝禮
 節足跡不入城市時趙清獻拊與孫監司昌齡石守
 牧之季守鈞皆造其廬郡丞趙岷邑令朱著同謁其
 母或借石游山水問所至唱和有三游集後周許二
 劉繼起尊為丈人行世稱塘畧先生

沈躬行

舊志字彬老永嘉人甫冠遊太學同輩以時文
 相尚躬行獨為古學以近世喪禮廢廼倣古
 正棺衾饋奠衰服之制斥佛事不用始從塘畧林氏
 後從伊川程氏藍田呂氏其學以中庸大學為本篤
 信而力行之故能卓然以聖賢為依歸平居色怡氣
 和似不能言及辨是非則毅然不可奪從弟琪字東
 美亦以行義稱

蔣元中

舊志字元中永嘉人梁校書郎湛之後力學多
 聞見道超卓曾著經不可使易知一論太學刻

於石紹興初郡守張九成下車
 詣學口誦此論後學益知向方

鮑若雨

舊志字商霖嘗構亭於所居之雁池扁曰敬亭
 值宣和方寇之亂率鄉人捍禦有司奏功第一
 不受賞著有程門問答錄敬亭文集張繹敬亭記商
 霖自永嘉來學於伊川先生勤苦自勵早夜孜孜不
 舍先生門人以為畏友

謝佃

舊志一名天申字用休瑞安人遊洛從伊川學
 永嘉洛學自許景衡始而用休與潘旻繼之今
 程氏全書與伊洛淵源所載問答皆根據至理其所
 得深矣後以賢良薦知閤門事卒塋所居里梅壟山

潘旻

舊志字子文瑞安人與鮑若雨謝用休同入洛
 從伊川學一日問伊川曰由之瑟奚為於某之
 門斯言何如伊川曰此子路於聖人之門有不和處
 也子文退而求聖人之和又問子夏子張論交何如
 伊川曰子張是成人之交又問子夏是小子之交子文退
 而求成人之交又問子夏是小子之交子文退
 川曰母友不忠信之人子文退而求忠信之道子文
 自幼志趨高遠性敏悟博極羣書居不仕卒

林湜傳

陳經正 舊志字貴一千陽人慕伊洛之學與弟經邦字

德經鄂永嘉鮑若雨俱受業二程之門經邦字

湯建 嘉靖通志字達可樂清人於天文地理古今制

每夙興必讀易一卦退與朋友商論欣欣自得

宋之才 瑞安縣志字廷佐受學龜山得程氏正脉登政

和弟教授京兆府每言士負卓犖奇才皆可入

聖賢之域患隨時俯仰速售於人耳故深務韜養積

去職服闋入為校書郎遷考功郎疏論南北雖已通

固不圖為進取計轉司業署禮部侍郎紹興甲子八

月勅使金賀生辰金主曰宋大國乎小國乎對曰非

大非小中國耳金主歎服及歸以聞高宗撫其背曰

真乃宋之才也未幾乞歸遷敷文閣待制奉祠後復

起知衢州卒謚文簡之才性恬靜寡欲操履潔白難

進易退歷官五十年而屏處之日居多見一統志

丁昌期 兩浙名賢錄永嘉人以明經篤行師表後進建

醉經堂鄉人尊之曰經行先生三子寬夫三舉

鄉貢廉夫舉八行志夫登紹聖進士第俱好古力學

日侍父側弟凡商論如師友不為苟且曰此理天下

所共不可為家庭屈執親喪斥去浮屠歲時

祭享一遵古禮孫康臣康時相繼登紹興第

陳鵬飛 舊志字少南永嘉人其學不為章句新說必本

與壬戌第調鄞簿名為太學博士兼崇政殿說書遷

禮部郎初秦檜子熹在永嘉從鵬飛學至是為侍郎

所下文案多瞻承鵬飛每批其後還之熹寢不平及

侍經筵講天王來歸惠公仲子之贈高宗忽問母以

子貴何如鵬飛以正對謂公羊之說非是時檜欲尊

崇太母以效容況大怒諷言者劾鵬飛譏議崇寧典

禮謫惠州卒有詩

書解羅浮集十卷

鄭伯熊 舊志字景望永嘉人德行夙成尤邃經學登紹

興乙丑第歷國子司業宗正少卿乞外以龍圖

閣直學士

溫州府志

卷二十一 人物

五

閣知寧國府卒諡文肅紹興末伊洛之學稍息復於伯熊得之弟伯英伯海皆知名由是永嘉之學宗鄭氏有鄭景望集伯英所著有歸愚翁集宋史伯熊有學行於古人經制治法討論尤精

王十朋 傳詳名臣

薛季宣 傳詳名臣

蔡幼學 傳詳名臣

陳傅良 傳詳名臣

戴溪 宋史本傳字少望永嘉人有文名淳熙五年省試第一出禮部郎中凡六轉為太子詹事兼秘書監景獻太子命類易詩書春秋語孟資治通鑑各為說以進權工部尚書除華文閣學士嘉定八年致仕卒贈端明殿學士諡文端舊志太子親書明經字扁其堂學者稱岷隱先生溪性行純明平實簡易不為新奇可喜之說而識者服其理到嘗與朱熹遇於旅邸時從行者眾溪謂之曰獨不畏鈞黨耶熹矍然

散遣之嘉定間朝論將以姦黨盡投嶺海溪獨授聖在事恐貽君子小人反覆之禍議遂寢所著有易詩春秋論語孟子答問遺鑑

劉軫 舊志字德興平陽人嘗戒其子天益曰忤心而終害也怒將以加人過怒適以自傷也能將以致舉於能適以招謗也凡此皆非淺心者所能知所著詮心指要二萬餘言天益亦遂于理學有筠陂集嘉泰二年以布衣應賢良方正科上萬言書不報性至孝母歿著思母篇詞極悽愴朱熹讀之淚下不能禁云

徐元德 舊志字瑞安人好學篤行登淳熙戊戌第任福建州守所著有別禮制度精華二十卷

戴蒙 舊志字養伯其先由閩徙永嘉居柘溪菰田紹興庚辰與周閩門舍人戴勳謀改名堊中第調麗水尉棄官從朱熹每于武彝因念假途易名之非復舊名應鄉舉再試不售曰可以止矣郡守楊簡薦于

五川府志 卷二十一 人物 儒林 六

朝後用御史王頴和請詔以原名復官尋卒所著有易書四書家說六書故內外篇子仔郡以孝廉薦侗登淳祐辛丑第皆以博雅稱

葉適 傳詳名臣

張淳 浙名賢錄字忠父永嘉人工古文尤習冠婚喪祭古禮其器制損益考訂無遺校讐儀禮為之句讀欲考禮者必請正焉朱子通解首引用其說試特奏得官不仕朝廷知其賢後差監南嶽廟命五下竟不食其祿

葉味道 宋史儒林傳初名賀孫以字行更字知道温州人刻志好古師事朱熹試禮部第一時偽學禁行味道對策率本程頤無所避既下第復從熹於武夷山中學禁開登嘉定十三年進士第遷宗學諭輪對言人主務學天下之福也必堅志氣以守所學謹幾微以驗所學正綱常以勵所學用忠言以克所學從臣薦味道可為講官乃授太學博士兼崇政殿說書故事說書之職止於通鑑而不及經味道請先說

論語從之帝忽問鬼神之理疑伯有之事涉於誕味道對曰陰陽二氣之散聚雖天地不能易有死而猶不散者其常也有不得其死而鬱結不散者其變也蓋諷皇子竝事三京用師廷臣邊聞交進機會之說味道進議狀以為開邊浸濶應援倍難洛師尋以敗聞人謂見微慮遠遷秘書著作佐郎卒所著四書說大學講義祭法宗廟郊社外傳經筵口奏故事講義景定間謚文修從弟任道字子重與兄由栝徙永嘉西溪葉舉師事味道求朱子之學所得最多生平勤苦自勵孝友正直博通經史有詩集雜文十四卷

蔡舉 平陽縣志字行夫居邑之步廊從學于朱子問答並見語錄二十三卷行夫所記

周端朝 傳詳名臣

陳埴 嘉靖浙江通志字器之永嘉人父燁字民表工屬文善持論為葉水心所推埴少穎悟從朱子於武彝所見超卓嘉定間趙善湘建明道書院辟主講席四方學者從游數百人稱為潛室先生埴舉進士以通直郎致仕卒兄增弟止善皆登科郡守呂延年表其居曰森桂繪像祠於學所著有禹貢辨洪範

解王制章句木鍾集按各志 增登嘉定甲戌第

林武

舊志字景文永嘉人孝友冲約博通經史朱熹其室曰尚綱輯平日所聞為語錄後以恩科授河池縣尉秩滿廣漕交辟不就父年耆跬步不離及卒哀毀骨立歲歉賑及遠邇子濱孫知柳州孫壽夢桂俱登科

徐寓

徐容 錢木之 蔣叔蒙 沈 憫

包定

傳同郡徐寓徐容錢木之俱嘗從朱文公學按同時從學有蔣叔蒙沈憫見朱子全書語錄問答永嘉縣志字定之治春秋書禮三經精晰義蘊聞晦菴自同安歸借姪顯道等奉于家講學白鹿洞相從論道著有中庸解疑孟子答問池州語錄朱子集中有答包定之及顯道敏道祥道諸札

戴栩

兩浙名賢錄字文子永嘉人登嘉定第遷秘書郎為湖南安撫叅議官卒栩少師葉水心得其旨要嘗曰詩壞于衛宏之序春秋誤于公羊之傳易繇于三聖繫爻象象之互入書失于孔壁序傳簡編

之相亂周禮特周公大畧之書當時有未必盡行者識者是之所著有五經說諸子辨論東都要畧

王與之

舊志字次點樂清人從松溪陳氏學盡傳六經之朝云與之踐履無玷守節不渝皓首著書真經明行修之士其書精粹可 聖治遂授賓州文學終通判泗州年九十七

吳滌

舊志字予量初名濤表臣曾孫篤志潛求淹貫六經諸子登淳祐第監平江府大軍倉秩滿將處以京秩弗就注青田令歸從游獨盛潘凱方來輩皆出其門

翁巖壽

舊志字如山初名夔永嘉人登淳祐第調永州教授以憂歸性行純固師陳埴盡得微言奧義從學日眾嘗令人讀近思錄曰此讀書之梯級也又令觀言行錄曰此為人之標準也其學以修身勵行為為善先生

胡子實

舊志初名希孟字醇子永嘉人力學不怠於四書所得尤深鄭滌孫尹樂清創宗晦書院請主

講席多士歸之咸淳末從班中援元祐陳師道例請于朝得旨授史館編校尋帶行國子監簿使明州卒著有講義孝經注習史管見

胡一桂

舊志字德夫永嘉人從翁巖壽學領咸淳鄉薦教授于鄉學者稱人齋先生德祐初上丞相書

幾萬言忠誠懇切莫能行之董左丞俛攝郡學研究周官經國制度參互考訂至忘寢食六官錯簡一旦貫通補正古周禮一百卷與鄭伯謙太平經國書並行于世

繆三一

兩浙名賢錄永嘉人從葉味道學味道深器重湖之敗三一與同舍生伏闕上書攻之宋亡隱居不仕晚歲兩目皆瞽大德間郡守延為經師時初製大成樂禮器祭服制度儀式必咨訪之三一雖瞽而諳練典故記憶不衰與人言疊疊不倦人有問者必答曰在某書某帙檢視果然年八十餘卒有易精蘊論學軌範尚書說禮記通考天隱集

元

史伯璿

舊志字文璣平陽人幼嗜學強記博通經史及與朱子背馳者多乃著四書管窺以辨明之又著管窺外篇論諸經史天文地理古今制度名物學者傳誦焉人勸之仕則曰讀書本以善身為仕而學豈吾志也遂隱居終身

章仕堯

舊志字時雍平陽人通經史深究四書闡奧時然通暢常曰時之治亂由于人心之邪正心之邪正由于學術之醇疵識者以為名言連舉延祐丁巳庚申鄉貢蔣允汶趙次誠皆其弟子

陳剛

舊志字公潛平陽人嘗從石塘胡先生學時胡于家同起居盡以所學授之遂通易詩書著問難四書通辨述歷代正閏圖說渾天儀說歷代官制說禹貢洪範手鈔為文倣西京詩倣漢魏應試累不就乃曰吾學豈不如今人吾才豈不逮古人吾之不遇命也又何尤父母皆年八十孝養至篤鄉里稱曰潛齋先生章瑤洪鑄林溫陳善李時可王清等皆出其門

陳宏馨

舊志字則善瑞安人性至孝勤履端謹年十七讀書樓居衣冠嚴肅一日得龜山南軒二語錄

昕夕玩味豁然若有所得著惺惺稿言道體觀化之妙忽遭疾父母見其衣冠如常不知其已殆也及革求父扶之曰宏馨願死父手父問去將何之曰如紅爐火然消則自無耳遂歌朱子感興詩崑崙大無外一章溘然而逝年二十三

葉

葵

卓敬葉繼道先生墓誌銘字叔向幼岐嶷警敏殊常兒年十八閉戶十餘年玩索羣籍窮探義

理每終日危坐反身以求誠超然有得於窮理盡性之要嘗曰予始知道時思周子不除窻前草張子聽驢鳴與自家意思一般猶判物我為二及見得此理真徹上徹下與自家道理觸處皆然此方是學著明辨工程三十七篇性理粹語易學精微一卷皆研精太極陰陽鬼神性命之奧按葉葵元瑞安人隱居不仕舊府縣各志俱失載今依忠貞錄補入誌銘詳載藝文

明

孔克表

平陽縣志至聖五十五代孫登元至正戊子進士洪武癸丑舉為翰林修撰博學篤行尤精於

史上帝釋四書五經賜名羣經要領宋濂嘆賞比之孔穎達云

蔣允汶

舊志字彬夫永嘉人元季避地閩中就試中流寓榜進士第一辭不就仕洪武初歸鄉里郡守

楊時中延為府學五經師同知王全執弟子禮爭之後實授本學訓導典浙江鄉貢得士獨多著有四書

纂要

季應旂

舊志字均饒號耻菴又號菌翁瑞安人少穎悟受春秋於高則誠既而得關閩全書讀之於天

道性命之微古今事物之理與夫百家子史靡不究極津涯常曰窮經以致其用反躬以踐其實不如是讀書奚益洪武中以明經薦未幾告歸年八十有三卒有自警詩云希聖希賢吾儒事大道從來不遠人地載風霆俱是教天垂象緯豈非仁無能畫虎翻成拙有技屠龍未是神俯仰兩間無愧怍練衣簞食任長貧所著

有樊莊集

王淵 舊志字如淵永嘉人景山九世孫通詩書二經洪武三年舉進士以疾告歸淵性急直毅然以

作興後學為已任貧而來學者輒以衣糧資給之所著有詩書題斷蓮塘稿

徐興祖 舊志字宗起平陽人受學於史文璣明易詩書三經洪武壬子舉授温州府學教授以性理之

學教導諸生咸尊之曰橫陽先生秩滿引疾歸尋起為郡訓導丙子江西聘司文衡

朱謚 舊志字思寧永嘉人性敏嗜學談論極理性之與行誼修飭鄉邦式之仕邳州學正告歸以著

述為務有四書述義正蒙述解

張文選 舊志字士銳永嘉人受易于徐宗起篤信體道登永樂丙戌進士選翰林院庶吉士預修實錄

大典常日讀書貴躬行否則空讀無所用著易經講義四書訓解

林補 舊志字廷翊永嘉人宣德庚戌進士簡庶常授翰林院編修直內閣入侍經筵發明一程朱

之奧上賜襲衣補篤志好學所著有遜志集後從祀四賢祠

葉

挺 舊志字允疇永嘉人穎悟絕人聞方祖安徐裕軒得理學於蔣蒼巖師事之遂達性命之蘊正

統間郡以明經薦力辭隱居教於所著有理氣圖說學庸訓詩文遺稿學者

項

喬 舊志字遷之永嘉人嘉靖乙丑會試第二由郎署出守撫廬河間三郡歷

東叅政任宦二十餘年所至多善政平居未嘗一日廢書研窮理奧有所獨得輒刻記以自鏡為文不事

險棘靡麗著有甌東文錄政錄

王叔果

舊志字育德永嘉人嘉靖庚戌進士授兵部職方主事屢遷湖廣右叅議

歸里遂杜門不復出既感臆疾就枕若寐熟者撼之

言無一日去書所專精者六經性理之學常輯象山語畧明其非禪取晦翁晚年之論不相二者合為一

錄又推陽明良知合于朱陸之尊性善求放心同時講學如觀察胡直考功申櫟中丞耿定向共推以為

得實際云于光蘊寧國郡丞光薦解州同知光普光祿寺錄事孫至章建水知州至亮封承德郎曾孫欽

準永安
知州

國朝

史尊朱

雍正浙江通志君實子樂清人七歲通孝經十

步趨先民律度憫俗學不知修己之要立德之本乃

作學則圖說并著有孝經刊誤註解讀書淺解及史

論太極圖說解與夫發明大學中庸易象詩禮性理等書

謹按吾甌舊稱小鄒魯儒志王先生學以誠性為宗

與濂溪周子不謀而合終宋之世名賢輩出師友淵

源多有親遊程朱之門者延至元時史伯璿氏言理

精粹為後學所宗故舊志列理學一門首冠人物尚

已嗣是流風餘韻闢而興起其間闢然自修先行人物尚

而後文藝者亦蔚然儒林之望今據舊志並錄如右

附識於此

名臣

唐

哇萬歷志字正祥家安固之廬村今屬泰順縣

登進士第乾符中為河南節度使督修黃河有

功黃巢亂奉勅破走之中和二年名入朝同平章事

文德元年拜諫議大夫進太子太保封光祿大夫勳

相張濬與克用有隙右全忠討黃巢爭功舉兵相攻會

與臺臣力諫忤上意左遷滑州刺史會錢鏐為鎮海

節度使不安其職遂引退宰相鄭棨疏薦詔下而哇

歸矣舊瑞安縣志鏐與董昌爭郡欲劫哇以兵不厲

夜率二弟侍父母自山陰遷于安固庫村家焉後卒

宋

許景衡

宋史本傳字少伊瑞安人元祐九年進士宣和

六年遷殿中侍御史時王黼蔡攸用事景衡言

尚書省比闕長官而同知樞密院亦久闕雖三公通治三省然文昌政事之本樞密本兵之地安可久虛其位願採公議選忠賢以補之

大忤黼意童貫為河東北宣撫使將北伐景衡論其貪繆不可用者數十事不報睦寇平江浙郡縣殘毀而茶鹽比較之法如故景衡奏茶鹽之法當以食之眾寡為歲額之高下今收復之後戶版半耗民力蕭然而茶鹽比較不減于昔民欲無困得乎奏入詔兩浙江東路權免茶鹽比較朝廷既興燕雲之師調度不繼誅求益急景衡奏財匱乏在節用民困敵在恤民今不急之務若營繕諸役花石綱運其名不一實員猥多軍額冗濫又無名功賞非常賜予皆資緣倣

倖干請無厭宜節以祖宗之制且極論和雜鹽法之害不報旋為王黼所逐欽宗名還歷中書舍人李光

高宗即位除御史中丞斥景衡為東京留守言者為黃潛善等多攻其短欲逐出之景衡奏曰澤赤心為國宗廟社稷所在苟罷盡忠之節則不怨已甚且開有加于澤者乎疏入澤別遣不識縉紳中威名政事

叛卒陳通作亂浙西上大悟封以示澤澤乃安杭州

提刑趙叔近招降之請以官景衡口官吏無罪而受誅叛卒有罪而蒙賞宜

必請間極論黃潛善汪伯彥以景衡異己共排沮

罷為資政殿大學士提舉洞霄宮卒謚忠簡景衡得

之曰朕即位以來執政忠不與時俯仰既沒高宗思

賜其家温州官舍一區舊直遇事敢言惟許景衡詔

志景衡氣質端重幼如成人師程伊川所著有橫塘集三十卷學者稱橫塘先生

按各舊志及本志選舉俱載登紹聖甲戌第宋

史本傳載皇祐九年進士考哲宗本紀及登科記

於此

徐 鐸 嘗稱其德性凝重

止不阿名入為翰林侍講

力張章惇等後惇相鐸安

置化州未幾擢給事中尋罷監亳州酒稅累官吏部

侍郎兼資政殿大學士陞吏部尚書卒平陽縣新志

字振甫隨祖宦遊福之莆田為部武王氏子登第

復姓始居邑之東關隸歷太學博士時日下黑子

條指新法害民忤呂惠卿提舉太乙宮後累官尚書

遷諤抗直所至有聲卒於

家朝廷勅本藩為之葬祭事見宋
鑑譚義及史伯濬集東昆仰止錄

陳

桷

宋史本傳字季任平

場人政和二年廷對第三

諭以禍福詭從其請間道

道殺首惡二十餘人一方

時言事者率毛舉網務桷

修政事以攘敵國不當以

令不能得人乞選監司重

權禮部侍郎普安郡王出

禮詔罷官尋知襄陽府充

叛桷遣將平之而後以聞

桷請于朝以今之戶數視

額尚多乞重行蠲減漢水

民捍築堤岸賴以無虞桷

安撫使以疾乞祠卒桷淡

嘉為寓里士攀附無不登

宗伯復以議禮不阿忤意

相居士有文集十六卷子

學擢第官中書舍人直學

侯致

吳表臣

宋史本傳字正仲

一見而器之朱勛黨盛

章誣武臣罪繫獄表臣去

乎表臣伴若不知卒直其

陳大利害表臣請措置上

立藩蔽擇民兵以守險阻

見用御史沈與求以直言

天子耳目所以防壅蔽社

誰敢言請還與求以開言

取忠義不屈有已試之驗

是陳敏等數十人寤以錄

之策十事除左司諫胡安

之歷吏部尚書時秦檜營

日歸來可坐此表臣不答

起知婺州大水發常平米

待制請祠進直學士家居

士自奉無異布衣時鄉論

名臣

名臣

名臣

名臣

名臣

名臣

婁寅亮 宋史本傳字陟明

嘉人政和二年進士為上

寢未繁前星不耀迄遊選

太祖諸孫有賢德者秩視

親王以待皇嗣之生退處

潘服并選宣祖太宗之裔

材武可稱之人升為南班

以備環衛帝讀之感悟擢

監察御史時相秦檜惡之

識言者論罷職史論曰

寅亮請立太祖後為太子

能言人臣之所難言而高

宗慨然從之君仁而臣直

秦檜誣以罪譴嗚呼冤矣

薛徽言 宋史本傳字憲老

州人登進士第紹興二年

時柳道桂陽早饑徽言請

以權監察御史宣諭湖南

衡永米以賑而以經制銀

丁朝不待報即諭漕臣發

相呂頤浩以其擅與守臣

而移用經濟銀出知興國

軍入為郎擢起居舍人奏

借與金人議和徽言與晏

敦復等七人同并疏爭之

一日檜于上前論和徽言

直前引義固爭反覆數言

寒疾卒舊志所著有經

書訓

林季仲 兩浙名賢錄字謠成

嘉人登宣和進士調婺

州兵曹遷仁和令建

初杭卒亂季仲躬率弓

于土兵捍截有功

嘉教郎高宗幸永嘉中丞趙鼎

薦為臺官及鼎輔

景遷吏部郎面對乞重縣令之

選願從陛下乞一

以自効又六臣承乏郎曹求為

縣令似不情者然宜

重則重在郎官以

重里請自臣始身

太常少卿鼎罷相亦出知泉州

鼎再相乃除檢正時

蔡檜主和議季仲上疏引夫差

勾踐事爭之大忤

意罷去久之起知婺州處州復

以直秘閣奉祠舊志

著有竹軒集十五卷

張 宋史本傳字子大

歐永嘉人宣和六年進士與

必先論以己意嘗

闡曰秘書久次欲以臺中相處

何如闡謝曰丞相見

謂五年起吏部員外郎孝宗

罷王官台州崇道觀

部兼王府贊讀孝宗

亮死復求和再議遣

使闡言宜嚴遣使之命正敵國

之禮彼或不從則有

戰耳如是則中國之威可以復

振是冬給札侍從臺

諫條時務時應詔數十人惟闡

與國子司業王十朋
 顯忠節宏淵深人無
 衆論歸罪于戰鬪曰
 遽沮銳氣帝壯其言
 振時數易臺諫闡力
 直聲而去闡曰唐德
 陛下深以為鑑金人
 我耶愛我耶直欵我
 亦然姑隨宜應之帝
 非拒諫者辨是非耳
 名帝曰卿言是也除
 學國書歲幣議已定
 不已闡謂不與四川
 今彼客我主金勢已
 疾乞骸乃除顯謨
 帝問所欲言闡奏
 中原之心遣歸工
 臣平昔之言其指
 魚居家踰月卒贈端

指陳時事斥權倖無所回隱隆
 即依報王師收復靈壁闡慮李
 援奏請益兵殿後已而果失利
 諸將無援而敗當矯前失安可
 益出御前器甲付諸軍軍聲復
 言之帝曰好名如某人但欲得
 宗疑姜公輔賣直陸贄切諫願
 求和帝與闡議闡曰彼欲和畏
 耳力陳大害不可許帝曰朕意
 記賣直之語謂胡銓亦及此朕
 闡曰聖度如天奈何與臣下爭
 惟割唐鄧海泗未決衆言紛紛
 乃可通和議論先定乃可遣使
 袁何必先示以弱朝論躓之引
 學士提舉太平興國宮陞辭
 忠義之氣惟陛下毋忘老
 忠諫切加賜金犀帶特許佩
 殿學士朱熹嘗言秦檜力主

和議摧折忠臣義士之氣遂使士大夫懷安成習至
 癸未和議則知其害者鮮矣朝論間有建白其言金
 人世讐不可和者胡

右史銓張尙書闡

林待聘

舊志字紹伊

子登政和第為湖南提舉司

定官高宗幸永嘉
 秦檜設修政局未幾
 而績用弗成者無地
 更而樂于弄故冗監
 則亦玩愒歲月而已
 州挾摘幽隱吏不敢
 母柳孝婦別有傳子
 淳孫呆棊贊真登科
 式之釋褐

沈大廉

舊志字元簡

安人建炎進士歷遷樞密院計

望給事中周葵以封
 俄而中書舍人袁景
 報自以不得其言求
 翁然歸重及卒王龜

駁任旨去職大廉既陳其不可
 是相繼去大廉復力言之俱不
 稱外除直秘閣福建提刑公議
 嚴輓之曰能將一誠字了却百

年身其充拓所學者有素矣子季豐登科

王十朋

宋史本傳字龜

者爭誦其策以擬古易之十朋裁決如神師心謂十朋身兼西學教授金將渝蓋有天才資忠義可為將或擢開置散老于海濱劉錡也又言守一槍死百槍生也與滙方胡憲查籥述其事除著作郎孝司業言人主有大職除起居舍人升侍書及將北伐上疏曰新復奈何大臣不能仰贊國家之大計則中懷奸誤國植黨盜孽

樂清人有文行聚徒梅溪受其死上親政策士擢為第一學董授紹興府簽判或以書生更奸不行時以四科求士帥王應詔名為秘書郎兼王府小書者有長于用兵可為大帥者起用之以區恢復蓋指張嘉納秦檜久塞言路至是十朋受禪拜司封郎中累遷國子三任賢納諫賞罰是也上嘉之除侍御史每見必陳恢復之計禍亘古未有陛下志在興國戒在位者去附和之私心其言蔽賢欺君訕上上為出浩

史正志與浩族異拜浩而父事之十朋論宜黜正志以正典刑林安宅出入史浩龍淵門盜弄威福至是詐病求致仕十朋并疏其罪皆罷去張浚出師復靈壁虹縣又復宿州會李顯忠邵宏淵不協王師失律浚上表自劾王和者乘此唱異議十朋疏言臣素不識浚聞其誓不與敵俱生心實慕之今浚遣將取二縣一月三捷及王師一不利橫議蠶起臣謂今日之師為祖宗陵寢為二帝復讐為二百年境土為中原弔民伐罪非前代好大生事者比陛下固不以一衄為羣議所搖然異論紛紛浚既待罪臣其可尚居風憲之職乞賜竄殛改除吏部侍郎力辭出知饒州湖盜聞十朋至一夕遁去丞相洪适請故學基益其圃十朋勿予移夔州又移湖州請祠去起知泉州凡歷四郡布上恩恤民隱所至人繪而祠之東宮建除太子詹事力疾造朝疾革累章告老以龍圖閣學士致仕命下而卒紹興三年謚忠文十朋事親孝友愛二弟郊恩先奏其名歿而二子猶布衣書室扁曰不欺每以諸葛亮顏真卿寇準范仲淹韓琦唐介自比朱熹張栻雅敬之子聞詩聞禮皆篤學自立聞詩知光州提點江東刑獄聞禮知常州江東轉運判官為

治能守家法按舊志十朋少穎悟日誦數千言稍長操筆已有憂世拯民之志通六經尤長于春秋入太學名譽藉甚凡上自奏對下逮燕笑從容無一言一動不軌于正而世俗所謂利害得喪榮辱死生之變一無所入于中朱晦翁嘗稱之曰光明正大磊落君子人也所學自孔孟而下惟韓歐是師故其文粹然著有尚書春秋論語解梅溪集

胡襄

兩浙名賢錄字季臯永嘉人登紹興第隆興初以王十朋薦除江西提刑召對備言宣靖間事臣實親見豈惟廟謨外失亦由人心內離願陛下覽觀覆轍備而後動孝宗傾聽除太常少卿兼樞密都承旨左相陳俊卿雅相敬重襄每燕見必舉當世弊事與政所宜先者俊卿喜其助已益重之除直徽猷閣江東提刑移福建卒襄早學于胡安國晚復交朱子由是體用浹洽本末純粹朱子嘗語人曰永嘉前一輩人物究竟終別蓋指劉許以及襄也兄襲字仲穎登第以直言忤秦檜終滁州倅按萬歷志從子序登第子孫能世其家學一柱及與其著焉者也

薛季宣

宋史儒林傳字士龍永嘉人起居舍人徽言之子年十七起從荆南帥辟書寫機宜文字獲事袁溉溉盡以程頤之學授之于古制靡不研究講畫皆可行于今時江淮仕者聞金兵且至皆預遣其孥而繫馬于庭以待季宣獨留家與民期曰吾家即汝家即有急吾與汝皆死民亦自奮乃行保伍法因地形便合為總不以鄉為限總首領之鄉置樓盜發伐鼓舉烽瞬息遍百里縣治白鹿磯安樂口皆置戍訖兵退人心不搖名為大理寺主簿未至會江湖大旱流民北渡江宰相虞允文白遣季宣行淮西收以實邊季宣為表廢田相原隰復合肥三十六圩立二十二莊于黃州故治東北以戶授屋以丁授田凡為戶六百八十有五分處合肥黃州間謂人曰吾非為今日利也合肥之圩邊有警因以斷柵江保巢湖黃州地直蔡衝諸莊輯則西道有屏蔽矣還言子孝宗曰近或以好名棄士大夫好名特為臣子學問之累人主為社稷計惟恐士不好名誠人人好名畏議何嚮不立帝稱善進兩官除大理正自是奏請論薦皆報可出知湖州會戶部以歷付場務錙銖皆分隸經總制諸郡束手無策季宣言自經總制立額州縣鑿空

以取羸雖有奉法吏思寬弛而不得騁若復額外征其強半郡調度顧安所出殆復巧取之民民何以勝戶部譙責愈急季宣爭之愈強臺諫交疏助之乃收前令改知常州未上卒年四十舊志謚文憲所著有詩性情說書古文訓春秋經解旨要大學說論語小學通鑑約說漢兵制九州圖志及校讐陰符山海經伊洛遺禮良齋浪語等書士不以經學為空譚自季宣始于法登科

何溥舊志字通遠永嘉人試禮部第一登紹興第歷臨安府學教授授刪定官出通判婺州忤秦檜

罷檜死以薦除監察御史遷右司諫彈劾不避除諫議大夫首論將帥不治兵而治財戰鬪之士變為商賈繼劾鎮江都統制劉寶及吏部侍郎沈介又率同列攻丞相湯思退俱罷之在言路六年知無不言號為稱職除翰林學士兼吏部尚書以疾請外補授龍圖閣學士領宮祠卒

林湜舊志字正甫其先長溪人徙平陽登紹興第為富陽尉以弭盜功改知晉江時大造戰艦當科疾請外補授龍圖閣學士領宮祠卒

民湜不忍欲投劾去諸蕃寓居者義之咸助其役艦成而民不知秩滿通判南劍州奏罷榷酒紹熙初遷

監察御史上言陛下托股肱于宰執而除授多小人寄耳目于臺諫而彈劾多君子坐是見忌黜為江西轉運判官歲蠲數萬緡而漕計不虧歷太府司農卿韓侂胄擅權力請外除湖北轉運副使進直龍圖閣致仕時朱熹以黨論斥士諱其學湜獨執弟子禮每馳書質問所著有盤隱類稿十卷

薛紹舊志字承之永嘉人登乾道第歷知宜春鄱陽縣守真和二州除浙西提刑遷戶部郎淮東總

領增餉軍鹽錢比舊多三百二十萬名為太常少卿忤權要以直秘閣致仕卒在真州時有女媪自言其祖為先朝諫臣紹優與金帛擇士人嫁之歸田傲洛中作真率會酒酣擊所藏靈壁石為笑樂子龜從登科

徐誼宋史本傳字子宜一字宏父温州人乾道八年進士累官太常丞孝宗臨御久事皆上決執政

惟奉旨而行羣下多恐懼顧望諫日若是則人主日聖人臣日愚陛下誰與共功名乎及論樂制誼對以宮亂則荒其君驕商亂則破其臣壞上改容曰卿可謂不以官自情矣知徽州歙有妻殺夫繫獄誼緩

之廉知為役者批之墮水死寃得釋閩郡以為神孝
 宗崩上不能喪祭誼力贊趙汝愚以內禪議請于憲
 聖太后寧宗即位遷權工部侍郎侂胄恃功以賞薄
 浸缺望誼告汝愚曰異時必為國患宜飽其欲而遠
 之不聽汝愚雅器誼除授建明多咨訪之誼隨事裨
 助不避形迹侂胄疑將排已益怨恨以御史胡紘疏
 謫南安軍安置久之許自使復官提舉崇道觀後知
 建康府兼江淮制置使准人迸流江南者以數十萬
 誼晝夜拊循益嚴備禦移知隆興府卒
 後謚忠文舊志平陽人登乾道壬辰第

陳傅良

宋史儒林傳字君舉瑞安人為文自成一家從
 者雲台永嘉鄭伯熊薛季宣皆以學行聞傅良
 師事之入太學與張栻呂祖謙友善祖謙為言文獻
 相承條序而主敬集義之功得于栻為多登進士甲
 科教授泰州改太學錄出判福州知桂陽軍光宗立
 稍遷除吏部員外郎去朝四十年至是鬚鬢無黑者
 都人聚觀嗟嘆號老陳郎中傅良為學自三代秦漢
 以下研究事物必稽于極而後已于太祖約束一切紛更
 尤為潛心因輪對言熙寧後取太祖約束一切紛更
 諸路上供歲額率增至十數倍上供起于元豐經制

外虞示意向以定眾志公汲引以合材謀審懷附以
 一南北帝稱善一夕感異夢星隕于屋西南隅遂卒
 幼學器質凝重日危坐一語不妄發及辨論義理
 如決江河嘗續馬光公卿百官年表歷人事記備
 忘辨疑編年政列傳舉要凡百餘篇舊志謚文懿
 子籛節範俱為石臣範字遵甫編宋通志五百卷守
 衢化行山祠

終吏部侍郎

蔡必勝

兩浙名賢一授江東必勝不為閭門舍人倖臣曾覲方
 用事冀其來見必勝不為閭門舍人倖臣曾覲方
 面人才為天下八計孝宗異之曰觀卿儀表非俗前
 程未可量也賜御器械光宗在東宮聞其不見會
 觀歎為佳士及即位擢知閭門事光宗病不能喪必
 勝與趙汝愚定議立宗韓侂胄方規專權忌之出
 知廬州既鎮淮遂立宗韓侂胄方規專權忌之出
 基遠圖侂胄益之遂立宗韓侂胄方規專權忌之出
 能救人疾苦審利凡所立皆得其人者子儀孫墳
 慈良根于天性賦凡所立皆得其人者子儀孫墳
 俱登科按萬歷志載瑞安人徙永嘉籍貫稍異

葉適

宋史儒林傳 葉適字正則永嘉人為文藻思英發淳
 熙五年進士第授平江節度推官除太常
 博士嘗薦陳傅良等二十四人于丞相後皆名用時
 稱得人會朱熹入不報光宗嗣由秘書郎出知衢州入為尚書左
 選郎官時帝以適力言之上兩由不朝重華宮者七月事皆廢不行
 適官之日令宰此傳致不可復使近習小人增損語
 難言者自可因及孝宗崩光宗不能執喪軍士籍
 籍有語變且不測適告宰相留正曰上疾而不執喪
 將何辭以謝天今嘉王長若預建叅決則疑謗釋
 矣宰執用其言久入奏立嘉王為皇太子帝許之俄
 得御批有歷事愈搖樞密趙汝必勝與傅昌胡
 內禪議奏太皇太后許之計遂定翼口嘉王即位親
 行祭禮百官班定遷國子司業而侂胥恃功怨望適告汝愚與適裁
 所望不過節鉞宜與之不從適歎口禍自此始矣遂

薛叔似

宋史本傳 薛叔似字象先河東人後徙永嘉游太
 學解褐國子錄初登對論自熙寧來賦日增而

力求補外俄為御史胡紘所劾降兩官罷主管冲佑
 觀起知泉州召臣欲人臣忘口國息心既往圖報方來可也帝嘉
 納之初侂胥進除權兵部侍郎也改權吏部會諸軍皆敗侂胥懼除適知建康府兼
 防江不聽未幾兵大入適募人劫營俘馘以歸解和
 州圍進寶文閣壘塢之議度沿地創三三大堡石跋則屏蔽采石定
 山則屏蔽靖安八步則屏蔽東陽下蜀西護溧陽東
 連儀真三堡就民漸歸侂胥誅中丞雷孝友劾適
 附侂胥遂奪職心祠凡十三年卒贈光祿大夫謚忠
 定舊志學者稱心祠先生有習學記言苟楊問答外
 稿水心集按忠凡考舊志及俱作文定

民困滋甚孝宗拾遺上自除叔未正叔似奏自之虞使名未正謀國者畏敵太侍郎兼國用司朝遂綱之韓侂久之許自便卒象數之學有藁

納遷太常博士時倣唐制置補闕左補闕光宗受禪時金使入界名正匹敵之禮金人常有南顧之祇以重其玩侮翼日復奏除兵部尚書侂胄誅謫福州似雅慕朱熹窮道德性命

陳武尤長于春授慶元初除禮幹監兼司業進少監兼知泉州卒

田幸時學終江山宰

林拱辰舊字巖起平淳熙武舉換文登第歷太

判兼提舉知揚州改知介不附史韓有詩傳利應辰字渭起同榜進士門著有易說騷解子

陳龜年舊志字永昌永嘉華國武足經邦等語居于府治東建石橋以濟橋歿葬雲霞島

陳畏舊志字直甫其先者登紹熙第除大社令嚴州奉祠端平初起為以直秘閣主管鴻禧觀英二殿修撰卒年八十額畏請于朝遂頒爵命

曹叔遠宋史本傳字器遠子學錄忤韓侂胄

安州廣東經畧安撫立州平江春秋傳刊于婺州

血尚書六部

八登淳熙第慶元丁巳以軍局太子洗馬勅褒有文堪官樹氣節朝士多憚服之嘗兵只頌德不置遂以洗馬名

長溪人避亂再徙永嘉淳熙遷走蹂踐死畏若有掖而出東提刑除大理少卿巧去致仕里居十年豐進右文集居鄉建平糴倉以惠里社

安人紹熙元年進士為國通判涪州後守遂寧營卒

莫簡稱亂勢張甚入
 江南好官員也後入朝
 講義終徽猷閣待制謚
 嘉定第官祭酒孫邵登
 講義中庸注疏永嘉譜
 嘉定第官祭酒孫邵登

黃

中 歷館閣累遷起
 以右文殿修撰卒中
 僅十年故得肆力于學
 用功不徒誌之空言
 策有云平居不以利
 亦源用之則回既
 須亦足以名此
 若此等議論令人嘆
 輔佐語之再三中前
 獲了翁以為
 古之遺直

曹

宋史不傳字西
 函 秘書丞出為浙西

境輒戢其徒無肆暴日此
 權吏部侍郎遇事獻替多所
 又肅按叔遠初名叔遐少學
 同答見于語錄所著有周禮
 子感字修士登
 紹定第知惠州
 入學以關洛為宗登紹熙第
 官人兼侍講出知袁州泉州
 選士第三入越三十載居官
 與朱晦庵往復辨論欲實地
 校藝漕闡時學禁方嚴中發
 入其心培植涵養如木有根
 之狂瀾不用則唱和寂寞之
 有誰歟後晦庵見之曰近年
 入經筵寧宗曰朕正賴卿
 十餘疏傾心忠鯁無所回

族子嘉泰二年進士擢
 舉常平面陳和釋折納之

弊名為左司諫與王
 號庶熙四諫進禮部
 愉老登嘉熙第按
 林類書纂要又載有
 宣和中召見王華濤
 之士嘗命題作賦援
 林 累遷左司諫兼侍
 本從諫以為求治之
 以咨

林

累 宋史本傳字孔
 瑞也累遷左司諫兼侍
 本從諫以為求治之
 以咨

吳

駟 舊志字由正今
 九江駟上防禦事官大
 為興國控扼富池失守
 危又獻甲式至昭州上
 陳安邊四要音稱旨官

趙

立夫 舊志字德成樂清
 法科由評事累遷

郭 卿徐清叟俱負直聲時
 寶章閣待制謚文恭子
 元龍瑞安人後徙嘉興
 就翰賜之曰曹組文章
 嘉人慶元五年進士辟幹
 與之帥蜀目之曰此臺閣之
 請告帝曰虛心以為從諫之
 嘉熙二年同簽書樞密院事

泰順人慶元丙辰入右庠嘉
 第授承節郎侍郎徐誼備邊
 峇以興國為江右捍蔽富池
 則興國危興國危則旁郡皆
 一事改籐州
 終武經大夫
 入登開禧第調龍泉簿再中
 大理寺正出知湖州改嚴州

物名臣

諸舉備荒最聲上徵進
宗詰之曰京師細民當
中遂于府西建春和樓
提刑兼守平江有旨和
擾而辦二年復以戶部
曰我輩又在春風和氣
閣待制提舉萬壽宮進
仁恕嘉熙大飢日密敷
倦容杜範稱之曰
趙德成活人于也

章

慰舊志平陽人任校
所共知人所能言至于
家之深禍則非慰不能

方

舊志守齊木嘉
安豐軍時黃餘為
薦除監察御史遷左
勤切除起居郎擢權
昔守是郡北溪陳淳從
側建道源堂祀晦庵以

太府卿兼知臨安府入對理
一意撫摩使常在春風和氣
推廣德意奉祠去起為浙西
羅立夫奉詔羅二百萬斛不
付郎兼京尹郡民聞之皆喜
平矣尋除刑部尚書授龍圖
資謨閣直學士立夫性敦厚
下人累月不輟藥病瘞幣無

即嘗抗疏極論韓侂胄詞
必其疏云侂胄中傷善類人
敢釁而遺罔

不能言也
從葉適學登開禧第教授
守因師事焉知吳江縣以

對乞外知漳州朱晦菴
之學前守建龍江書院乃
符配奉祠歸里景定中推

故老特除寶章閣待制與比隣翁承年
並命郡為二人立仁壽坊年八十二

周端朝

舊志字子靖永嘉人行己族孫少淹貫經史為
葉適所知繼從朱子于武夷學業益進紹興中

入大學趙汝愚罷相端朝與同舍生楊宏中等上疏
救之得罪羈信州久之放免時號六君子登嘉定第
調桂陽軍教授首立濂溪祠以示準的改大學錄遷

博士入對言人生之學所繫與士大夫不同士大夫
一心之存亡繫一身之是非人主一念之操舍關天
下之休戚遷秘書監兼侍讀復上言近歲經筵例

陳昉

舊志字叔方峴子以父任知浦城縣盜起隣郡
昉措置得宜迄不犯境繼而老弱阻饑極力賑

救境內以安真德秀薦之朝與劉克莊等號端平八
士遷司農丞進直煥章閣樞密副承旨權交部侍郎
丐去知福州重士愛民威惠兼至蠲宿逋却例冊去
郡之日帑庾充物閩人論良牧必以昉為首名為工

部侍郎景定初以資章閣待制知建寧府屬邑產禾一本四十餘穗人以爲善政所感除吏部尙書拜端明殿學士提舉秘書省致仕卒謚清惠按舊志助嘗治園得窖金相修節堯七十里子均別有傳

王持厚

舊志字載仲樂浦人選入太學有聲嘗率六館叩闈論史嵩之登淳祐進士第入浙西帥幕時

有薦丁大全可任臺諫者持厚謂其內懷奸狡外示狂率使其得志必爲國家憂大全聞之憾焉未幾以著作兼左曹郎吳曾罷相持厚輪對言于理宗曰宰相進退人材當進實退不肖不當以用舍快恩讐潛貶持厚上疏力爭之不聽遂罷歸賈似道怨潛甚疑持厚黨潛併惡之由是十五年間三擢不越郎曹二典郡皆不終似道收始除大理少卿未幾

陳力修

舊志字介翁至德人登紹定第教授常德府除禮兵部架閣被旨督運江東給豐亮廬壽四州

致米三十五萬創擢秦州通判知無爲州除司封郎尋轉浙西提刑海寇蘇阿六積恭前使者置不問力修設計授吏擒之正其罪浙右震悚除祭酒兼中書舍人面對言揆路取賢之罪理宗大悟會戚里有以

濫恩驟進者格其命遂奉祠去盜起荻浦朝廷欲鎮以舊人名界憲節

潘

凱舊志字南夫從子弱冠入太學嘗上書言史凱馳入營裂帛植

無敢後乃止戮其目亂者郡人德之與董槐同立祠祀之淳祐末除監祭御史三疏論丞相鄭清之不勝任未報即歸後以宗正少卿除秘閣修撰進刑部侍郎丐外擢寶章閣待制知太子州卒從子希聖嘗率六館論丁大全終戶部侍郎希仁兩優釋終將作

監少

馬元龜

舊志字錫疇平陽人以六典貢闈漕登嘉熙第

士叩闈時相怒其攻已欲去之將以元龜爲諫官諷以意元龜正色曰臺諫天子耳目不可以市私恩直士國家元氣不可以報私忿遂被劾除主管官誥院未幾委買江東限田元龜曰熙寧海內無事王安石以新法騷動釀成不忍言之禍普天莫非王土未聞瘠子以肥父而家可爲者又被劾去道病及門而

辛自號蒼巖有蒼巖雜著八十二卷

林

給

靜江府以周程諸書為學者講說又置乳洞莊以資貢士除國子錄生諸生上書罷謫婺州景定初

史面對言不世之六功易立至微之本心難保敬肆稍殊影響絕異遷右司諫擢起居郎進權吏部侍郎

卒易字藏用知益陽縣疆場繹騷措置帖然薦主管官語院卒兄弟孝友無間言

應節嚴

舊志字和父平陽人少名夢辰中童科淳祐甲辰登武第庚戌換文歷太學錄國子簿司農軍

器丞兩淮機參淮西提刑兩浙運判刑部侍郎權吏部侍郎寶謨閣待制中奉大夫在六館時上疏論巨

瑞瀆政准幕時登陟守禦饒才畧尤善古文有文集子熙字靖夫以父任授知建寧府麻沙鎮元初不仕

遇鄉曲緩急必賑之

陳宜中

舊志字與權永嘉人登景定進士第二人初為太學生與劉黻等論劾丁大全號六君子授紹

興府推官遷秘書郎能檢制丁大全縱其肆惡基宗中幼其曩居相位不

社蒼生之禍元鳳命既格宜中亦出為江東提舉徙浙西提刑名為太常少卿權禮部侍郎闕缺拜顯

文閣待制往撫其師闕歲除刑部尚書德祐初以知樞密院事拜左丞相德祐幼主歸元宜中擁二王由海道趨廣州既而不

占城暹羅乞師竟死十遲之

王有開舊志字守仁平陽人初在右岸叩閣論史嵩之無狀由是知名繼登右科參贊戎幕咸淳辛未換文

登第德祐初由編修官兼右曹郎出知惠州不赴博學疆記經史子傳旁及仙經洞章過目輒記憶晚

慕賀知章為人黃冠對服逍遙物外年八十四卒

明

卓敬傳詳忠臣

黃准明史字宗豫永嘉人舉洪武丁丑進士除中書舍人成祖即位召對稱旨命與解縉常立侍榻

溫州府志

卷二十一

人物名臣

左備顧問或至夜分帝就寢猶賜坐榻前語機密重
 務悉預聞既而與縉等六人並直文淵閣改翰林編
 修進侍讀議立太子准請立嫡以長太子立遷左庶
 子兼侍讀五年進右春坊大學士帝北巡命與蹇義
 等輔太子監國帝征瓦刺還入高煦潛悉徵東宮官
 下獄准及楊溥坐繫十年仁宗即位歷武英殿大學
 士掌內制進少保兼戶部尚書宣德元年親征高煦
 命准居守以疾乞休正統十四年卒謚文簡准性明
 果達于治體永樂中長沙妖人李法良反仁宗方監
 國命李彬討之高煦曰彬老將必能滅賊又時有告逆
 黨者准言于帝曰洪武末年已有勅禁不宜復理更
 部追論靖難兵起時不廣帝皆從之阿魯台歸欵請
 得役屬吐蕃諸部求一則難圖矣帝顧左右曰黃淮
 淮曰彼勢分則易制論事如立高岡無遺將刻玉印賜之以
 勅命廣運二寶今此帝嘉納其獻替類如
 帝嘉納其獻替類如

鄭襄二王監國夙夜在公以勤勞致疾疏乞歸賜葬
 淮父淮來謝賜遊西苑又宴太液池親製詩贈其行
 論淮曰明年朕生日卿其復來至期淮至上喜宣德
 八年復命王會其歸田稿淮歷相丙朝恩沓殊渥
 十三所著有介菴集馬風子棐為尚寶司丞采為太
 常少卿精筆札善詩文

湯宗 明史字正傳平陽人洪武末由太學生擢河南
 按察僉事改北

金有異謀遷山東按察使坐事左遷刑部郎中出知
 蘓州府永樂初逮下獄用薦召授大理寺丞時外夷
 貢使病死從人謂醫殺之獄成宗閱牘歎曰夷人于
 醫素無仇怨寧有故殺之理卒辨其誣以解縉詞連
 宗坐繫十餘年仁宗立復官陞南京大理卿宣宗初
 命清軍山東會天久不雨宗極陳民間飢困狀請免
 租稅蠲徭役罷不急之
 務帝皆從之尋召還

曹睦 舊志字肅賓瑞安人叔遠族孫永樂甲申進士
 選翰林院庶吉士時文皇擇親王輔導授睦秦

府伴讀日以勸講輔德為職會李海誣王不軌睦上
疏力辨其非仍舉河間東平專勉王以憂歸服除赴
闕疏諫征交趾上嘉
鄭三十年歷事四王
初終一節人謂有董賈風焉

陳奎

舊志字秉文平陽人幼孤育于祖母范氏永樂
甲辰進士歷禮部主事工部都水郎中嘗疏解

太僕陳炳馬政之請
獨通戶以萬計正統初議也先
桀驚勢必犯順宜
河套等處增城堡以防馳突至

己巳果有土木之變
又論中貴王振之黨王
山彭得清以救侍講
劉球廷論壯之卒于官

章綸

明史字大經樂清人正統四年進士景泰初為
儀制郎中綸
國家多故每慷慨論事嘗上太

平十六策反覆萬餘
言也先既議和請力圖修攘以
待其變中官興安
大隆福寺成將臨幸綸具疏諫

帝即罷綸又因災
求致變之由語甚切至五年
五月鍾同上奏請
官不可干外政倭臣不可假事

十四事其大者謂
凡陰盛之屬請悉禁罷又言孝
權後宮不可盛聲色
朝後謁兩宮皇太后修問安視

弟者百行之本願
下十有四年是天下之父也性
廉之儀上皇忌臨天

下親受冊封是上皇之臣也
陛曰禮惟加而無替義
實同一人伏讀奉迎還宮之
言朔望節旦率羣臣朝

以躬而奉尊望陛下允蹈斯
大下之至願也更請復
見延和門以展友于之情嘗
沂王之儲位定天下

止后于中宮正天下之母
及自弭疏人帝大怒時
之大本如此則和氣充溢災
際中出立執綸及鍾同

日已曠宮門閉乃傳旨自門
及交通南宮狀瀕死無
下詔獄榜掠慘酷逼引主使
補緩令錮之明年杖廖

一語會大風揚沙晝晦獄得
同各一百同竟死綸長
莊闕下因封杖就獄中杖綸
與廖莊等皆直言忤時

繫如故英宗復位郭登言綸
侍檢前疏不得內侍從
宜加旌擢帝乃立釋綸命內
侍檢前疏不得內侍從

旁誦數語帝嗟歎再三擢禮
部右侍郎綸既以大節
為帝所重而性亢直不能諧
俗石亨貴倖招公卿飲

綸辭不赴又數與尚書楊善
論事不合亨善共短綸
乃調改南京吏部憲宗即位
有司以遠詔請大婚綸

言山陵尚新元朔未改百日
從吉心寧自安陛下踐
昨之初當以孝治天下三綱
其言成化元年兩淮饑

春舉行議雖不從天下咸重
其言成化元年兩淮饑
奏致荒四事皆報可復
禮部綸性慈好直言不為

當事者所喜為侍郎二十年不得遷請老去久之卒
又數年其妻張氏上其奏稿且乞恩帝嘉歎贈南京
禮部尚書謚恭毅廕一子鴻臚典簿所著
有奏議進思錄困志集子元應別有傳

婁

濬舊志字潛夫永嘉人登永泰辛未進士授貴州
道御史巡按廬鳳淮揚發奸鋤暴風裁凜然時

朝政有乖災變迭見率同官上疏極諫謫邢臺
典史天順初稍遷曲周尹矢心奉職以憂歸

徐安行

舊志永嘉人景泰辛未進士任刑科給事
中諫景泰讓位杖天順改元告病歸

呂洪

舊志字大正平陽人景泰甲戌進士拜監察御
務立內外臺九載風裁凜然巨盜朱紹綱生

擒土人阿賽以廣東按察使告歸屢薦不起
章元應舊志字順德給事中曾與薛瑄有父風孝宗初嘗按劾

章元應

中官汪直并其黨陳鉞疏於邊臣馬文升薦王恕邱
濬楊守陳何喬新堪任宰輔時論偉之累官廣東布

政使卒著有曼亭稿弟元金應天通判子
九儀九仁咸有雋才九仁朝鳳登進士

高友璣

舊志字肅政樂清人宏治庚戌進士以刑曹出
廷簡有幹局達權變者官其地遂陞廣西參政管田

州府事單卓入境諭以順逆禍福不煩兵而款束聽
命擢陝西布政使尋為副都御史巡撫大同以抑貴

幸坐致仕用薦起為總督漕運副都御史誅江淮鹽
徒首惡宥其曾從旋晉南京刑部尚書謝病歸卒贈

太子少保益襄篤子廷紳正德乙卯舉人積官郡守
廷實廷愉皆州縣掾

歷濟南同知德府長史
王瓚舊志字思獻永嘉人宏治丙辰進士廷對第二

王瓚

人授翰林院編修正德丙寅陞侍講充經筵講
官進講論語舉直錯枉章舉宦官宮妾以諷微指逆

瑾瑾怒捏旨詰責遷國子司業瑾誅進南祭酒講明
正學著四書五經誠敬等箴改北祭酒擢禮部侍郎

時車駕數巡幸儲位久虛乃疏請育宗室一人於宮
中并乞回鑾語甚切直時論避之持節封玉山王賜

一品服世宗人繼大統適瓚署部事論典禮事宜且
夕合輔以母憂歸尋卒贈禮部尚書謚文定子廷以

密歷南工部營繕郎中健登進士所著有正教編
溫州府志

瀆集郡志等書

陳

璋 舊志字宗獻樂清人宏治乙丑進士授刑部主事日士不讀書謂之廢學官不讀律謂之曠官乃研求法意至忘寢食律有疑難親為註解遂以法家名歷員外郎中奉勅審錄八閩所活不下百餘人事竣還京適武宗欲南巡上疏諫止廷杖五十伏枕五月而後起世宗嗣位陞大理寺卿時錦衣捕獲羣盜數十人中有二人實平民也送大理審璋曰盜一臧獲不當其罪人且得而議之况置十二人於非命乎具奏釋之繼為刑部左侍郎有上官以非法杖死下吏下法司獄或欲貸之璋曰殺人抵罪官與民一也固執不可忤執政意即乞致仕歸子猷領鄉薦杖以父任南京光祿署丞從弟曾進士任御史

李顯 舊志字崇綱樂清人正德戊辰進士知閩縣政聲藉甚擢御史巡北畿奏復豪右侵地出按貴州時都勻苗賊猖獗前官調度失宜特疏劾去官布威德搗其巢穴亂遂平屢疏請武宗回鑾諫止潼關鎮守世宗初中貴多誣毀廷臣抗疏救解羣奸切齒出守淮安贛州調蘇州以政最歷官巡撫南贛都御

史晉大理卿致仕歸著有臺南集子宗吾鴻臚序班

侯廷訓

舊志字孟學樂清人正德辛巳進士世宗入繼上言不當考本生私藩邸舊臣甚鯁直除南禮部主事著大禮辨數干言逮繫下獄子一元年十三上疏救之謫泗州判官遷漳南兵備僉事建社倉平劇盜蠲虛糧革羨餘尋以疑獄與御史爭被劾罷歸所著有六禮纂要筆山小稿弟廷誠年十六領鄉薦子一元成進士別有傳孫傅邦曾孫應賓俱成進士

張孚敬

萬歷志字茂恭永嘉人初名璉字秉用以嫌御名請更賜今名及字早舉于鄉正德辛巳成進士世宗入繼大統議典禮與執政異壬午授南京刑部主事甲申以大禮未定再上疏爭之特名至京陞翰林院學士乙酉陞詹事尋晉兵部侍郎仍兼學士命修明倫大典勅掌都察院事丁亥陞禮部尚書兼文淵閣大學士賜圖書二日忠良貞一日繩愆弼違戊子加少保進姚溪書院集賜書院名貞義堂名抱忠明倫大典成加少傅兼太子太傅吏部尚書謹身殿大學士巳丑命主會試八月致仕至天津差行人

周禪齋勅名還辛卯以雷震午門西樓乞歸壬辰差
 行人周文燭齋勅名還加太子太師進華蓋殿大學
 士復以星異乞歸其冬差鴻臚少卿陳璋齋勅名還
 加少師命有司為作寶綸樓乙未以疾乞歸上慰留
 手調藥餌賜之又屢疏辭乃許致仕丙申差錦衣千
 戶劉昂齋勅視疾復手札趣還至金華疾作回己亥
 卒於家年六十有五贈太師謚文忠明史季敬剛明
 果敢不避嫌怨既遇主知亦時進讜言帝欲坐張延
 齡反族其家季敬諍曰延齡守財虜耳何能反數詰
 問對如初以故終昭聖皇太后世延齡得長繫若清
 助戚莊田罷天下鎮守內臣先後殆盡皆其力也帝
 終始眷禮廷臣卒莫與三嘗稱少師羅山而不名舊
 志所著有禮記章句大禮要畧羅山奏議羅山文集
 正先師孔子祀典集議金滕辨疑杜律訓解予三
 長遜志廕授中書舍人次遜業廕授尚
 寶司丞俱別有傳三遜廕中書舍人

王

諍

舊志字子孝永嘉人嘉靖庚戌進士授溧陽令
 者辨其誣論最擢山東道御史巡鹽河東尋按雲南
 沐黔國肆毒一方按法繩其家屬沐懼餌黃金三百

兩拒不納陞大理少卿會議大獄據律駁其諛疏奏
 帝是其議且著為令進僉都御史巡撫貴州會寬慰
 安國亨戕殺嫡叔總兵官請討敗績諍上疏自劾有
 旨回籍遂築精舍南郭外日與故人觴咏其中麤衣
 糲食徜徉山水見者不知為貴人親故貧乏者隨力
 捐濟之見後進勉以力學所著有滇南奏疏刑名奏
 議大學
 衍義畧

李光春

舊志

字元甫樂清人徙居永嘉萬歷丙辰進士
 任廣信府推官沐黔國遣官展祭遠祖因奪國
 產併朱子懷玉書院光春撻其官牒上撫按悉返所
 奪產譽震於朝舉卓異第一擢御史彈擊不避權貴
 逆瑞魏忠賢擅政楊連首發其罪會大雨雹光春抗
 疏極論忠賢罪惡廷旨奪俸尋左遷九江兵備崇正
 朝游歷福建江西河南藩臬所至著實績晉協理院
 事左僉都御史署院篆臺臣王聚奎劾陳啟新緘嘿
 溺職啟新方用事疏入下聚奎議處光春力為中
 救上不憚遂罷歸優游林下三十年卒壽八十一

周應期

舊志

字克昌永嘉人萬歷己未二甲第一授禮
 部郎中魏瑞柄國令改辛學儀注執不可黨人

銜之出為福建兵備值海逆倡亂調度兵食秘授方
畧降其眾十餘萬歷晉右副都御史理屯京東會遣
十監臣分鎮畿輔應期力疏諫上致政後杜
門不出者十有九年及卒學者稱清節先生

陳堯言

舊志字汝則永嘉人萬歷己未進士授行人持
節使楚二藩餽遺悉無所受崇正初擢南戶

科給事中值南儲告賈京軍十數萬眾謀正陽門堯
言以陵寢重地飛章奏請得給各衛旗船漕崇二十

餘萬石六軍懽呼等為忌者所中出補陝西
參議至中途嬰疾乃繳勅歸所著有焚餘草

張天麟

舊志字季昭永嘉人壬子經元天啟壬戌二甲
第一負文名精書翰初任禮曹豐儀碩望嶽立

朝班中璫黨欲以銓部餌之峻拒不受出督廣東學
政稱得人轉福建右轄備兵平李之奇劉香諸劇賊

製銅鐵大將軍分布閩浙海要擢湖廣左轄寶慶道
平臨藍天王王猷猗等寇岷藩治郡武岡籍富民築城

騎尉多不法民怨將亂天麟抗疏糾叅幾批逆鱗朝
論偉之擢都察院右副都御史巡撫雲南以不得養

憂思戎疾至平越府卒為人清端弘毅政暇卽操觚
撰述所居先世舊廬僅庇風雨與四明施邦曜海昌

吳麟徵有浙中三君子之稱著有松臺詩集行世

忠臣

唐

葉一源

舊志字九江其先括之松陽人大父格心徙永嘉因家焉一源幼有志操能詩書習騎射時唐公李淵已克長安遂募兵千餘赴太原唐公悅之使與機密事及即帝位授福建道節度使貞觀二十二年太宗征高麗檄令副總管薛萬徹同往所向先登單騎陷陣斬首二十餘級身中流矢馳歸卒帝憫之為輟食詔所居立祠謚武義侯天后朝加封忠烈按此事新舊唐書不載唐初無節度使官太宗征遼時死戰之臣史未應畧但舊志據葉適廟記當非無因今從之

宋

薛良顯

宋史忠義傳字貴勤瑞安人崇寧二年進士累官為大宗正丞出為江東轉運使江寧軍校周德作亂良顯聞變率眾與戰斬十餘級力不能勝死之事聞贈卹有加謚忠愍弟良朋字貴益登紹興第

終吏部尚書

馮成

舊志字熙績其先滑州白馬縣人中書令守信孫建炎間扈從至永嘉遂家焉岳飛素奇之羅至闔幕與兀木戰屢勝收復各州縣高宗書嘉忠二字賜之遂以名堂誓之曰吾家素忠孝今何面目行白日下使成終不能滅虜報國辱君辱祖當自殞於斯堂飛既死遂遯跡湖山銜恨而卒樞密劉珙以詩輓之有武穆英賢友勤威忠孝孫之句孫彥珩博學多才畧有祖風李守芾表其廬為嘉忠宋亡入山不出年九十餘終

石礪

舊志字商老永嘉人州學生宣和間方臘連陷推礪為謀主學椽盧璿及邑義士丁仲修周承已婁淵潘守真等佐之治兵儲糧籍保伍分地為八隅委官統率又置戰艦五十餘分屯梅魯白沙與賊堵禦越五十六日王師至賊乃遁已而臘黨俞道安自樂清進攻郡城礪復與士英創立戰具郡將張理暨仲修承已淵守真等爭先迎敵力戰俱死賊亦敗去事

平賞功士英通守太原礪辭祿不受以布衣終淳祐八年封英祐侯與士英同廟食賜廟額曰忠烈

張理

舊志瑞安人宣和間寇至郡縱火延礪接橋礪為先鋒出城迎敵敗眾披靡渡壩接橋橋斷馬蹶溺死郡為立忠義祠祀之德祐間封忠惠侯

包汝諧

周行己包汝諧傳溫州人業儒事親孝宣和庚子方臘起睦州連陷杭歙婺諸郡至遂昌郡守皆倉皇莫知計所出州學教授劉士英與館下生石礪謀禦賊糾眾集義士王三錫等二十八人汝諧與焉白諸父老曰某等雖無官守然所食皆君食也可值時變而計不義乎乃身先士卒先後禦賊不下數十戰竟死於難事平立專祠賜忠孝額按舊志汝諧封英烈侯縣分未詳與張理林懋俱配享忠烈廟懋封忠祐侯舊志未有傳其事蹟無考附識於此

丁仲修

宋史鞠嗣復傳字敏之温州人方臘黨俞道安據而散仲修以餘兵與戰力屈死之舊志永嘉人昌期孫忠烈廟從祀二十五人仲修為首

去入觀與賈似道爭鹽法事被劾歸里元兵徇瑞安
率市人禦於白巖橋取扉闥牀桌累以為柵兵至口
散潰遂被執元將欲降之壽孫噴目視
曰我大宋憲臣乃從爾耶益之死於獄

侯 畱 宋史忠義傳字道子樂清人三貢於鄉兩試
運使皆第一以武舉授合浦尉寶祐五年通和

海州兼河南府計議官李松壽據山東突出漣泗
鏖戰城下死之闔室遇害太學生言於朝即海州
廟旌忠謚曰節毅仍立

廟其鄉所著有霜厓集

潘 方 宋史鍾季玉傳平陽人寶祐四年進士調監
慶元府市舶慶元降附元方不屈赴水死

陳 自中 舊志字與可永嘉人宜中弟登咸淳第仕王府
司馬宋末同秀玉與擇入閩力戰被擒道死妻

孀俱被俘幼子萍隨少帝入
西番為僧名輦真吃喇思

陳 元帥 舊志逸其名宜中從子少負勇畧拜議郎理宗
時屢立戰功擢大元帥德祐中伯顏入臨安將

上解體宜中張世傑奉端宗及廣王昺由越州航海
而南元帥扈從舟次金井灣得暴疾知不可起謂左

右曰吾世受宋恩生不能報死當為厲鬼殺賊遙向
帝舟叩頭長慟而逝遂葬於姥嶺之麓死後屢著靈
異即其地立廟祀焉明嘉靖三十八年倭擾海上海
道副使譚綸部兵來勦神見夢獲大勝因新其廟扁
曰神武

陳 虞之 兩浙名賢錄字雲翁永嘉白泉鄉人登咸淳已
丑第授揚州教授歷官廣王府記室叅軍積階

承議郎元兵至温虞之率子姪鄉人千餘登芙蓉巖
誓以死守不降元兵攻巖累為所敗越二歲始下乃

盡以家資投巖隙中遂自刎子
姪妻孥及鄉人死者八百餘人

林 逢龍 舊志逢龍字慶雲平陽人弟廷龍字
雷發俱為太學生當理宗末元兵入

侵逢龍上書陳戰守計不報咸淳中同舍齊應魁等上封
事忤賈似道道歸鄉里後逢龍與同舍齊應魁等上封

事乞正似道誤國之罪宜急調兵解襄樊圍似道怒
削其籍押還本貫乃屏跡山居德祐丙子元兵至温

州素聞逢龍名令軍校至山中索之遂被執驅迫登
舟入城元將欲用之逢龍攘臂怒罵曰我宋書生也

豈為汝用哉以腹觸其刃而死廷龍亦被執不屈同日遇害逢龍所遺文有草堂集二十卷古論十二卷

鮑叔廉

尚書黃綰義烈祠記世家樂清宋末元兵下台州叔廉率宗族倡義兵結寨七十二據險揭旗

溫台之界曰台州雖降溫人不願為之氓元將怒用

茅畚人牟氏導攻叔廉死之族無噍類遺子約已方

五歲有家奴嚴敬翁李宗善抱匿陰溝至夜躋舍後

鮑氏

遂蕃

王小觀

兩浙名賢錄瑞安小溪人善槩每以忠義自許

元兵追之力莫能當遂被執不降臨刑罵不絕口而死

募勇敢者千餘人出陶山迎敵彼眾我寡退入小溪

死

劉

黻

宋史本傳字聲伯樂清人早有令聞讀書雁蕩

山中淳祐十年試入太學時丁大全為臺屬劾

奏丞相董槐迫逐去國將奪其位黻率同舍生伏闕

上書言朝廷進退大臣須當以禮書上忤執政意送

南安軍安置歸別其母解氏其母曰為臣死忠以直

被貶分也速行至南安盡取濂洛諸子書檄精切語

成十卷曰濂洛論語及大全敗黻還太學臺諫陳

蔡榮誣劾罷程公許黃之純六館相顧失色黻又率

諸生上書言陛下何忍以祖宗風憲之司壞於小人

之手又疏諫遊幸以材試館職拜監察御史論丙降

恩澤不由三省施行如此數年將何以為國改正字

歷官吏部尚書兼中書舍人以憂去江上師潰起黻

為端明殿學士不赴及賈似道死陳宜中謀擁二王

由溫州入海以兵逆黻共政揮涕就道及羅浮憂憤

卒其妻林氏舉家蹈海死舊志黻登景定

第贈亞樞謚忠肅所著有蒙川集十卷

葉儼祖兩浙名賢錄字德平樂清人尚氣節辟史館編

校晚年退居教授聞元兵渡江謂子弟曰吾生

為宋臣死為宋鬼即具衣冠望

闕辭躍入所居楊樓水中死

林景熙舊志字德陽號霽山平陽人咸淳間由太學釋

褐授泉州教官遷禮部架閣轉從政郎元章祖

程白石樵唱注元兵滅宋僧人楊璉發諸陵以其骸

骨棄草莽中林霽山在越土痛憤不能自已乃詭為

採藥者以草囊拾而收之又聞理宗顱骨為北軍投湖水中因以錢購漁者求之幸一網而得乃盛二函託言佛經葬於越山之北且種冬青樹識之

鄭樸翁 舊志字宗人平陽人弱冠入太學咸淳末賜上舍釋褐歷福州教授國子正與友人林景熙潛

拾宋陵遺骸瘞越中歸隱蕪山瀑下著有四書要旨二卷禮記正義一卷續古雜著三卷厚倫書一卷

徐臻 宋史忠義傳温州人父官河南德祐元年臻往

樞密小心練達天祥被執臻脫難復來願從天祥北行扶持患難備殫忠款至隆興病死舊志永嘉人

元

孔昞 舊志平陽人孔子五十六代孫至元三年任廣州增城縣烏石寨巡檢朱光卿反昞捕之被殺

贈從仕郎交州判官卹其家

桂完澤 **金德** 元史本傳俱永嘉人完澤字坦之為平江路管軍鎮撫會賊攻昱嶺關行

省令從征完澤勇於討賊凡再戰關下皆勝尋又與賊鬪為所執其妻弟金德亦被擒皆反縛於樹臨以白刃脅之降完澤呼曰金勇男子即死不可從賊德曰此言是因大罵賊怒剖二人之腹按完澤居永嘉堡北門季姓元史及嘉靖通志誤作桂

彭庭堅 元史本傳字允誠瑞安人至正四年進士授承事郎同知沂州爭毀牛皇神廟驅鄰郡上馬賊

免民橫急徵斂民甚便之俄以平反獄囚忤上官意遂棄去十年以建寧路崇安縣尹起陞同知建寧路

總管府事江西寇熾庭堅率兵復建陽平浦城十二年攝僉都元帥府事攻邵武寇追斬渠兇邵武悉平

陞同知福建道宣慰使司副元帥鎮邵武寇陷建寧庭堅統兵復建寧縣浙江行省檄庭堅節制建寧邵

武二郡諸軍十四年盜侵政和松溪江南行臺中丞吳鋒督軍建寧檄庭堅至時鎮撫萬戶岳煥隸麾下

素悍縱卒為暴庭堅欲繩以法煥懼使部卒乘其不備詐為賊兵突入交鋒衆皆潰庭堅獨留不去遂遇害民哀泣如喪父母立祠像御史余觀上其事

張

庸

舊志字存中温州人性豪爽精太乙數會世亂以策干經畧使李國鳳承制授庸福建行省員

外郎治兵杉關頃之計事赴京因進太乙數圖順帝喜之擢秘書少監命庸守駱谷遣從事段楨請援於

團結會諸寨既降庸守堅守拒戰衆將潰庸無去志

已而寨民李世傑執庸出降庸見主將不屈與楨同

周誠德

舊志平陽人嗣德弟方明善據温州城屢侵平

果官浙東道副都元帥明善深畏之乃賂遺麾下使

狙伺於內遂被執大罵不屈明善趣左右剗其皮誠

張文貞

嘉靖浙江通志字元之瑞安人至正間禦方國

道陶山文貞率鄉兵守天門關賊從間道至關陷文

貞與弟德及姪力戰皆死里人立祠祀之按瑞安縣

志又載文貞以禦吳成七等功授副判閩

洋黃檀賊寇縣死難微有不合附記俟攷

明

卓

敬

明史字惟恭瑞安人穎悟過人讀書十行俱下

登洪武戊辰進士除戶科給事中鯁直無所避

時制度未備諸王服擬太子乘間言陛下於諸王不

早辨等威而使服飾與太子埒嫡庶相亂尊卑無序

何以令天下帝曰爾言是朕慮未及此益器重之歷

官戶部侍郎建文初敬密疏言燕王雄才大畧酷類

高帝北平形勝地金元所由興今宜徙封南昌萬一

有變亦易控制疏入召問敬叩首曰臣所言天下至

計願陛下察之帝默然事竟寢燕王即位敬被執責

以建議徙燕離間骨肉敬厲聲曰昔先帝不用敬言

耳帝怒猶憐其才命繫獄使人諷以管仲魏徵事敬

泣曰人臣委質有死無二先皇帝曾無過舉一旦橫

行篡奪恨不即死見先君於地下耳帝憐其誠猶不

温州府志

卷二十一

人物

忠臣

三

書邵子經世之學詩文五十卷臨刑時神色凜然數日如生籍沒其家惟書畫數軸爾按明史不載忠貞謚致萬歷志云宣德間門人黃潮光為作年譜行狀廬陵劉球為之傳以忠貞私謚之建祠江心修撰焦竑為記康熙志云隆慶初詔錄革除諸臣謚敬忠貞而靜志居詩話則云顧錫疇典禮容臺始定革除事實贈敬太子太保謚忠貞似又在

鄭士達

舊志字達世瑞安人少聰慧博究羣書居常以忠義自許洪武二十六年以貢任肥鄉訓導靖

難師南下徇廣平有議迎附者達毅然曰我儒官也若隨風效順謂綱常何激守臣相與堅壁以守不克棄官歸永樂三年詔逮諸逆命者達坐

東湖樵夫

舊志樂清人不知姓名永樂改元詔至樵夫適負薪至港橋聞市人語云天子自焚死新

天子已即位矣遂長吁失聲投橋下水中死

黃養正

舊志名蒙以字行瑞安人國子學正潮光子自幼聰慧善楷書七歲隨父赴京永樂中召見授

中書舍人累官太常少卿性端謹博學工詩文宣宗甚愛之南還時執手賦詩以別正統己巳之變先事陳言弗從及扈駕土木也先衝逼行營驚怖養正獨毅然衛護無所畏避至駕北狩慷慨死之天順初追贈太常卿錄其子一人世襲錦衣百戶

鮑

輝湯斌鮑輝傳字叔大平陽人宣德癸丑進士授工科給事中改刑科上言有司抑配鹽商斂怨

於上州縣官考滿夤緣保留宜禁止之畿輔山陝饑請命大臣亟賑之寬其徭役正統間海內久安武事漸弛上言奸宄之伏恒於承平時天下都司衛所官溺於晏安器具不修軍士靡恤冒支糧餉規避徵發比者延平寇起朝命兩都司調軍征進遷延旬月及臨陣輒復畏縮乞勅兵部議下巡按及清軍御史會同三司官大加簡閱推擇公忠智勇者為之將領庶武備可飭朝廷是其言下所司行之車駕北征輝督右按軍紀戰功師潰土木死焉明史輝數有建白殉難土木景帝立降勅褒美死節諸臣錄一子為國子生

章綸傳詳名臣

江德歸舊志字君壽泰順人正統時山寇剽掠首倡義兵率鄉民禦之遇害子佛保年十八矢志復讐

尚書孫原貞領大軍至收置幕府命統所部殲之寇平授贊畫

王沛舊志字子大永嘉人福建叅議澈季弟少業儒棄去精醫術授益府良醫倖尚節嘉靖壬子

倭亂沛謀諸鄉族集兵為守寇被創逸去戊午復至勢張甚沛率鄉兵禦之遇害贈太僕寺丞立祠祀之

賜額愍忠錄其子叔本國學生

王德明史忠義傳字汝修永嘉人嘉靖十七年進士歷戶科給事中定國公徐延德丐無極諸縣田

為業且言私置莊田不宜以災傷免租德抗疏劾之俺答圍都城屢陳軍國便宜悉報可時城門盡閉避

難者不得入號呼徹西內德以為言民始獲入寇退命募兵山東所得悉驍勇為諸道最還朝會新太宰

李默怒德投刺太倨出為廣東按察司僉事與巡撫爭事投劾徑歸默用前憾落職閒任德鄉居以倭亂

奉母入城傾貲募健兒為保障計嘉靖三十七年夏倭自梅頭至大掠德偕族父沛督義兵擊之宵遁俄

一舟突來犯沛及族弟崇堯崇修殲之亡何倭復至大掠德憤怒勒所部追襲至龍灣軍敗手射殺數人

罵賊死然倭自是不敢越德鄉侵郡城矣事聞贈太僕少卿賜祠祀額曰愍忠廕一子錦衣百戶子如珪

甲子舉人溧陽令孫名世萬歷戊戌武會試第一

趙連侯一元烈士傳樂清人嘉靖壬子倭寇海上連聞難持挺出擊連仆數賊遂突入其陣意氣彌厲一賊出於廁鏃連以矛傷股悶絕輿歸猶呼其左

右曰賊可擊也盍掖我以起行數百步距踴高岸困頓乃還且死家人環哭連張目曰勿哭

人百年會有一死吾有以死矣遂絕

林田舊志字舜畊泰順庠生嘉靖己未倭入寇至雅洋將抵縣田率鄉兵禦於排嶺賊掩至整兵力

戰而死贈州同知建祠祀焉

李大韶舊志字舜廷樂清人設教平陽從學者眾因家焉天啟乙丑歲貢考授通判憤魏璫之橫與蔡

廣叩闕上書璫怒逮蔡論斬大韶繫獄而卒子應察
奔赴扶櫬歸至濟河舟覆以索自縛與樞相聯飄流
數十里得援若有掖之者既而大韶妻楊氏病應察
刲股以進弟應官焚臂顙天刺指血和藥尋愈應官
妻吳氏死於節烈稱一門以忠孝節烈稱

章一焯

舊志字陟瞻樂清人天啟選貢授湖廣耒陽知
縣性公直不容於時解綬歸居鄉恂謹稱長者

會寇亂焚其廬且脅之去一焯以死自
誓奔赤城題詩太平門外沉河而死

林宗椿

舊志字君靈泰順庠生崇正十二年山寇竊發
劫縣之仙居屯三日不去宗椿率鄉兵直前連

斬數級賊氣奪將遁宗椿欲盡殲之領眾至澗過橋
而陣橋壞失足橋下賊蜂刺之宗椿罵不絕口遂死
賊亦引去邑人立祠致祭

鄒欽堯

舊志字維則瑞安庠生徙居永嘉甲申
闖變作書別其父自沉永寧江而死

葉上高

舊志字而栗永嘉人郡庠生負氣節聞闖賊陷
京師失志佯狂值丁祭日衣巾指文廟大慟

以言語抵觸有司繫獄會端陽賦詩有欲斟蒲
酒心先醉勿浴蘭湯骨已香之句遂仰藥卒

王瑞梅

明史字聖木永嘉人天啟五年進士授蘇州推
官兼理兌運軍民交兌恒和軋起釁瑞梅調劑

得宜歲省浮費三萬金上官為勒石著令貴人弟奸
法執問如律其人中之當道將議調遂歸崇正七年

起河間推官遷工部主事調兵部轉職方員外郎擢
湖廣兵備僉事駐襄陽十一年春張獻忠據穀城乞

撫總理熊文燦許之梅以為非計謀於巡按林銘球
總兵左良玉將俟其至執之文燦固執以為不可瑞

梅言賊以計愚我不可為所愚今良玉及諸將賈
一選周仕鳳之兵俱在近境誠合而擊之何患不濟

文燦怒責以撓撫瑞梅曰賊未剗而遽撫彼將無所
懼惟示以必勦之勢乃心折而不敢貳非相撓實相

成也文燦不從瑞梅乃列上從征歸農解散三策文
燦亦不用瑞梅自為檄諭獻忠獻忠恃文燦庇已不

聽明年獻忠叛瑞梅先已丁母憂歸獻忠留書於壁
言已之叛總理使然具列上官姓名及取賄日月而

題其末曰不納我金者王兵備一人耳由是瑞梅名
大著服闋未及用而都城陷福王時召為太僕少卿

極陳有司虐民之狀旋告歸唐王召赴福建仍故官
禾幾復歸及閩地盡失溫州亦不守避之山中有欲
薦令出者乃拜辭家廟從容入室自經死舊志子家
琦家琛俱負才名家琦終喪後飲泣而沒家琛以隱
遁終按瑞梅宋理學王景山之後郡有東山書院崇
祀景山置師生膏火田瑞梅元孫應銓邑廩膳生能
文有材幹董理田事
溺水死士林惜之

應端秩

平陽縣志崇正時以副榜任四川叙州宜賓令
前後擒斬賊酋無算身被矢石始終慷慨復結士兵
收復叙城誓與城為存亡弟端祺子東郤俱戰歿

吳雲鴻

應氏功績錄字羽仙其先崑陽人徙居永嘉工
幕運籌畫策與賊抗拒幾一載親履行陣前後殺賊
十人戰歿子士法年十六聞變自髡入川欲求父骨
後不知所終

國朝
後不知所終

曾三鳳

三重

三益

舊志泰順人順治丙戌山寇焚
劫鄉都各村立甲會勦三鳳率

鄉兵禦之賊勢張甚奮身殺敵死之弟三重繼之死
焉少弟三益繼之又死焉一門忠義鄉人立祠其村

之祀

侯贈祖

舊志樂清人康熙十五年閩亂偽帥某謀襲寧
波贈祖偵知之以告知縣盛應宗令密詳報郡

為賊邏者所獲偽
帥恚甚殺於市

侯醇

舊志字茂長永嘉人郡庠生閩寇據城
王師駐郡西山撫勦並用令醇持檄入城招撫抗忤

賊帥不
屈被害

朱國鼎

湯三兼

樂清縣志國鼎字可受尚氣節蚤歲
入庠膺順治己丑歲貢與庠友湯三

兼為金石交戊戌海艘陷樂清均為所執
國鼎極口痛詈死之三兼亦不屈投水死

夏聲

事實冊字君周永嘉人府學武生康熙十三年
閩逆陷甌城聲率鄉兵據四十都等處固守

王師既徇樂清用聲為嚮導潛行柵溪山中經上塘遇賊聲設計伏甲於寶勝寺佯退誘賊大勝之至下馮山設疑兵作安營狀引師過平堰灘從白栝一路踰鐵塲嶺直抵郡西山賊遣細作捕聲不獲擄其母兄妻子悉受慘戮恢復後檄署松溪令聲招聚流亡剪除孽燼奉調隨軍克復海澄及金門廈門等島制府上其功於

體

印

事實冊江心寺僧康熙十四年大兵進討耿逆時副將楊春芳陷賊中圖為內應遣體印賫書

至軍營為偽帥會養性所獲磔於市

周

雅

事實冊泰順庠生康熙十三年閩變逆黨入寇雅提戈巷戰手刃二賊力困被擒賊欲署以偽

職不屈罵不絕口遂遇害

循吏

漢

蔡敬則

舊志安固人少負氣節靈帝光和間舉孝廉授南陽令尋棄官歸建安中起義兵捍寇有功授

東部都尉號令明肅境內又安進安鄉侯三國時江東盡為吳地敬則釋兵歸農退處閒散時邑有虎患倡勇除之歿後里人立祠祀焉按舊志載敬則安固人攷安固漢時未設縣尚屬永寧縣地附識於此

宋

蕭

振

宋史本傳字德起平陽人政和八年進士調信州儀曹時州郡奉神霄宮務侈靡振不欲費財

勞民與守議不合會方臘寇東南距信尤近守欲危振檄振攝貴溪弋陽二邑旣而王師至衢又檄督軍餉振治辦無闕諸邑盜未息守復檄振如初振悉意區處賊多降者調婺州兵曹時振婦翁許景衡以給事中召振祝之曰公至朝幸勿見薦衡詢其故曰今執政多私其親願為時革弊景衡然之後再知成都

府一以寬為治或問其故曰承縱弛革之當嚴今繼苛刻非寬則民力瘁矣帝嘉振治行謂宰臣曰四川善政前有胡世將今有蕭振加秩四等加敷文閣學士卒于府治死之日民無老稚相與聚哭于道振居瀕江造大舟濟人人感德之名蕭家渡有文集二十卷

林叔豹兩浙名賢錄字懿文永嘉人建炎初為慈溪令廉明勁直高宗南巡勅戒衛士毋肆苛擾以撓賢令時聞金人將至境有武悍之徒百十為羣乘勢抄劫叔豹廉其狀捕而斬之於是遠近知畏絕剽掠之患金師破明州立蔣安義為守金師退叔豹率鄉兵入城杖死安義一郡獲安高宗駐蹕臨安知其才名拜監察御史以風力稱

蔣行簡舊志字仲可永嘉人登紹興第通判興國軍值大旱疫作從一馬二卒齎藥療民全活甚眾歷沅辰澧靖四州安撫諸司舉異績名對清暉殿不果用而卒所著樞言五十篇

劉銓兩浙名賢錄字全之樂清人知海鹽縣時大水害稼銓被檄檢傷放秋苗數萬斛勸富人發廩

賑濟民無耕資者貸於郡給之政務慈和飾以儒術稱循吏云按銓登紹興王戌第

劉鎮舊志字可叔樂清人與兄銓相繼登紹興第任隆興府司法有重囚九人獄已具鎮察其寃再行訊鞫果得其情告於郡悉免之移武義丞築溪塘數百丈改知長溪縣政績尤著民立祠祀之

李唐卿舊志字少勉唐河間王孝恭裔孫自處徙永嘉茶山登紹興第教授西京睦宗院知新建縣歷國子博士入為秘書郎請外除江東提舉踰年改浙西卒子彌高由太府丞出為嚴州守父子俱以廉平稱

鄭噩舊志字仲酉平陽人登紹興第為天台尉武義丞臨江錄叅知新淦縣終宣教郎為丞時上封事數千言天子下其書使第可行者條上之新淦故大邑誅責厚累令噩至盡疏邑病頗有蠲損邑以大治卒於官

陳謙舊志字益之永嘉人登乾道第教授寧國除國子錄遷判定官孝宗將內禪謙調六事以進出

通判江州徙知常州開孟瀆均溉民田獎善罰惡郡
 稱神明除湖北提舉改提刑辰州搖掠辰沅岡邵四
 郡謙提軍搗其巢降八十餘峒徙成都路提刑造李
 冰堰嘉州繩橋褒禮耆彥進寶謨閣待制京西湖北
 宣諭副使坐事罷起知江州奉祠卒著有傳
 庵文集周禮說春秋解永寧編宋史有傳

王 柟 兩浙名賢錄字木叔永嘉人登乾道進士第調
 婺州推官漕司增本州上供米三萬斛守以下
 不敢爭柟獨移書新守言其不可守以聞遂免知績
 溪縣邑斂重民貧鑿山壘畝乾瘠大半柟積錢買田
 為塘六十八塌六浚舊陂百頃而歲以稔知江陰軍
 開蔡涇渠港五百里漕輓流通知贛州先禮教而後
 刑罰犯法日稀尋奉祠歸里子煥知泰
 興縣李全之斃預有力焉孫埴亦貴顯

張季樛 舊志字延卿永嘉人忠簡公闡之子幼入太學
 用父恩試吏部第一監臨安府糧料院遷司農
 寺丞選知潮州潮俗矜厲自喜季樛傲古以便今崇
 雅黜陋士民愛服歷知濠州謀報金主祈太清宮且
 窺邊州人大恐季樛不為動但遣承局趣取子舍遠
 近安之改知和州首開三河復胡昉故跡剗車蒺藜

火藥傳鏃廢關遺隘之
 要無不預講尋致仕

彭仲剛

兩浙名賢錄字子復平陽人登乾道丙戌第主
 金華簿衢州大水監司命仲剛覆視而後賑仲
 剛曰覆而後賑防吏之欺將使民實得食也恐待覆
 而民不食死矣監司感悟即出米恣所為民賴以生
 移臨海令遷知全州減浮費寬商稅擇學師教
 其子弟而親執經講說官至提舉浙東常平

林頤叔

葉適林頤叔墓誌字正仲瑞安人與弟淵叔同
 受業于陳止齋登乾道丙戌第為羅源主簿民
 俗親死焚尸糜其骨凌風飄揚命曰升天頤叔刻文
 禁止治塚甓藏之始變其俗有以刃挺誣人至大辟
 頤叔視之溺死也移玉山丞玉虹橋在市心壤久計
 費數百萬徒與束手頤叔自與錢勸成之辟監建康
 戶部贍軍庫萬歷志頤叔丁父憂哀毀成
 疾卒淵叔字懿仲登淳熙第官揚州司戶

鮑 瀟

舊志字清卿永嘉人登乾道壬辰第教授處州
 興化軍湖北運幹知新昌縣倅濠州知湖州乞
 祠復知融州奉祠終朝散大夫永思陵復土瀟王新
 昌頓遞中貴人衛士恣意需索他邑失魄奔命瀟取

少胥所執籌籤削之瀕運河立曰大行在道率土悲
隕小縣排設既一一應法而誅責不已吾捨兩日蹈
此水為百姓請命眾大驚謝過
民免橫斂及卒葉水心銘其墓

翁敏之

舊志字功甫樂清人師事陳潛室所居故有鄉
校久廢敏之倡而新之扁曰圖南書院聚族里

子弟教學其中未幾與從弟巖壽俱以禮經擢進士
魁太學與鶚薦者十餘人初任上饒永豐以功增秩
後遷江寧調婺州及平江塘頭安吉軍庫婺人乏食
敏之勸商平糶郡以無饑塘頭近言偃舊宅敏之詣
祠下推明學道愛人之旨士民風動久之除閤門祇
候將朝參喟然曰曉漏穿花安得似園林閒散之樂
遂不復仕按敏之從弟巖壽考萬歷志本傳及選舉
志俱作永嘉人此載敏之樂清人縣分互異附識俟
考

潘次鳳

舊志字應韶平陽人少入太學母陳手自緝布
為道里費紹熙登第授句容尉改南陵丞建白

經總制錢病民乞減三之二治葉氏獄
其家圖像祠之後知靜海縣有文集

錢宏

舊志字文子以字行更字文季樂清人明經能
文為儒林巨擘入太學月書季試每占高等紹

熙壬子以兩優釋褐為國子博士出
知台州以循良介特稱擢宗正少卿

徐定

舊志字德操閩之晉江人教授處州娶永嘉鮑
氏因家焉知邵武縣通判太平州宣州妖民胡

木匠煽亂誘聚數千人縛巡檢貫其耳以徇漕司俛
定攝州事定馳入境下令曰汝等苦不飽耳能自首
亡罪眾皆趨令妖首亡命去州境以安擢守潮州卒
子璣瑄孫似孫仕至浙東帥叅宋亡劉萬奴欲屠温
城似孫力爭獲免按潮州
萬歷志作湖州璣別有傳

趙若恭

舊志字安行時詰子以門功補新城尉歷武進
丞攝宜興令豪猾周辛與其黨環所居為城以

棧填坑出入二十年不輸賦吏屢捕不獲恭白於府
既而趙與楨為守辟恭攝司理乃與與楨選甲士焚
其居獲辛等二十餘人戮之以能改浙西提刑司幹
有吳正者通其子婦妻憤而縊正以弟良曾與妻詈
潛以尸掛良戶訟良恭夜獄風颺起滅燭隨燃隨
滅恭怪之輟而就寢夢一媪曰妾吳良嫂也冀理冤

獄明日核之得其情遂白提刑釋良後銓除當得大理評事賈似道嫉之出為福建檢法元兵至臨安秀王辟管機宜守台州城陷未幾卒

陳求魯

舊志字質甫樂清人登嘉定第倅臨安府監左藏庫出知南劍州時劔民遭亂殘破求魯為奏

蠲租稅仍出私帑以賑名為司封郎真德秀薦之陞左正言積階朝散大夫理宗郊天烈風迅雷擊壇上

從官披靡獨求魯與杜範植立上益重之陞兼侍讀尋晉大理寺卿卒子崇為象山宰嵩為當塗宰

翁永年

舊志字可尚永嘉人少篤學登寶慶第教授沅州有峒徭田姓者來學或疑不類永年納而教

之改知仙遊縣輟俸新義塚除武學博士及判福州不赴景定推恩加朝奉郎年九十三卒

吳舜龍

萬歷志字君友永嘉人登紹定第教授處州知於潛縣有知縣只飲於潛水之謠擢監察御史

首陳備禦三策遷秘書少監出為浙西提刑奉命慮囚所至無枉以大理卿召尋奉祠卒舜龍氣宇質樸

心事坦夷無疾聲厲色一榻蕭然惟圖書自娛而已

項公悅

兩浙名賢錄字無欲永嘉人調閩縣簿改無為軍司理讞閣忘寢食園土為空改秩知侯官庭

無撲聲會歲早禱雨瑞澤潭潭在草山頂公悅披棘行烈日中數十里下山驟雨隨而公悅病暈卒

林石室銘之曰以死救民誰則有此

項公澤

舊志字德潤瑞安人九歲中童科登紹定壬辰第任龍溪縣尉再授長洲丞改知崑山縣積俸

資置田二頃以充學廩為文刻諸石後轉尚書省檢閱遷國子博士再知台州安吉州潮州所至有政聲

終中奉大夫吏部郎中老於家置義庄贍其族因以南坡自號

徐

舊志字長孺永嘉人少從舅陳壇學中漕舉紹定中李全亂淮楚霆從趙善相為制幕軍謀檄

筆悉參其事全斃以功補官授江東兵馬鈐轄移江廣歷守欽復州廣德州以武功大夫致仕

薛直夫

廣東通志字遇叟永嘉人嘉熙元年知雷州修渠建橋振舉廢墜始雷俗不知醫藥病則專事

巫禱直夫創立惠民藥局教以醫療去之日民立生祠祀之

陳淳祖

舊志字道初瑞安人登嘉熙第

知錢塘以治最

判徽州以選知南康軍撫治有功除

秘書郎遷著作

郎浙西水以倉節廉知安吉州賑

道每

木天駿

舊志字德遠瑞安人父礪中紹

定第大駿與陳

明張南軒之學以淑上調知閩縣

守建昌郡人包

賦居政府族子倚勢漁獵小民天

宗丞通攝

許

福建通志溫州人淳祐間知

田有風

陳

均 舊志字子公平陽人舉進士

知東陽麗水西

紀邊清帥邀功縱殺囚數十平民

均審覈盡釋

檢正賈似道以千章奉母居西湖欲

以

趙與霆

趙與琇

舊志與霆字震道永

嘉人與弟與琇

上薦廣莫適所與乃集幕僚於公署

府推官郡守將

疾不赴守賢之同列亦愧服知鄞縣

究心撫恤數以

公事與制閩爭無所降屈通判與化

軍監登聞檢院

知梅州未赴卒與琇字器道為建寧

府司理推鞠多

趙汝馭

舊志樂清人登嘉定戊辰第淳

祐三年守惠州

民至今慕之

元

陳

麟 戴良陳麟傳字文昭其先自

清徙溫遂占籍

溪縣尹吏每竊弄威權弊難遽革

至求士大夫之

賢者即其家問事父老來見亦時

人物

循吏

序

溫州府志

隱伏以相參考倣古為鉅簡虛中而
 校令民有所言投書其中而削其主
 事無不周知吏以麟盡得其受取請
 一語惟抱文書呈署而已縣歲貢春
 奸利麟計其常額以平價市之比舊
 為法縣之鳴鶴鄉有界塘在餘姚界
 水輒衝潰塘鄉有鳴鶴沼矣麟乃
 木籠竹加上築之甃以石使民歲無
 州所在騷騷有旨令郡縣團結義兵
 之擊刺坐作日夜部勒無不精練
 惡少年嘯聚為盜則督士卒奮擊
 夾塘有劇賊時出為害潛引壯士
 是遠近無犯法者每改温州路瑞安
 舊志永嘉人為慈溪尹時邁里思古
 兒在餘姚皆以能名與麟號斬東
 慶元威勢日熾麟在慈獨與之抗
 珍執之羈縻於岱山海鳥朝廷屢遷
 事郎超至中順大夫秘書監丞不能
 去其土置諸鄉
 名由是縣大小
 賅狀噤不敢出
 茶有司並緣為
 十減九後遂以
 森雨至鄞江之
 去塘五尺許捷
 水患淮寇陷湖
 麟親閱丁壯教
 江南岸曰網灘
 尸江上鄞縣之
 縛之斬以徇自
 知州以疾辭歸
 在越禿堅鐵木
 傑會方國珍據
 寡不能勝眾國
 秩自承
 赴卒

明

夏遂祿

舊志字克受永嘉人洪武甲戌進士累官雲南
 參政所至著廉績及林居風致恬然無改寒素

周丹

憲章類編永嘉人洪武初進士授新化縣丞在
 官以廉勤稱驗民貧富及丁稅多寡第為上中

下籍記之遇有賦役隨輕重使之民不擾而事集獄
 訟文牘皆躬自督理吏胥不得為奸罷諸役作民晏
 然安業流民歸者益眾滿考課最甚考功主事既而
 縣民蕭俊等詣闕言白本官去職縣政復擾乞令再

任帝命復為縣丞仍
 令禮部賞而遣之

方以正

舊志字秉中永嘉人弱冠登永樂乙未進士第
 授吏部考功司主事出倅建寧遷贛州同知以

廉威稱多異績兩州士民立祠祀之尋以祖父重慶
 歸養所著有藏山名世集五經諸解裔孫茂棟領崇
 正己卯
 鄉薦

韓偉

舊志字英仲瑞安人永樂中由太學生擢監察
 御史妖賊張普祥作亂民罹毒害偉拜命微服

抵境除之巡按河南鎮靜有體遷河東運使清操甚
 著創立學宮擇其屬戶之秀者教之遂相繼登科第

以母老乞休
不免卒於任

蔡光親

福建通志樂清人洪熙年間知福清以廉能稱
時內任奉命採辦率凌逼屬邑供億無算獨福

清氏無所擾云按舊志
光親登永樂辛丑第

葉錫

舊志字元圭永嘉人適九世孫宣德庚戌進士
選入翰林正統初出知吳江縣再任吳縣專尚

德化入朝以治行卓越賜宴
內庭加命服擢寧國知府

南昱

舊志字時方樂清人性嗜學郡守何文淵慎選
郡掾昱在選中不悅曰吾方與聖賢對安能為

吏上書自陳極言儒吏之辨何心竒之然卒以昱主
庫籍讀書不輟登正統壬戌進士除大理左寺副讞

決精審時稱明
刑著有宜齋稿

項任

舊志字如僉瑞安人正統初知無錫縣廉靜寡
欲蒞政公勤不畏強禦在任十年乞歸邑人立

石識
其德

葉衡

舊志字廷衡平陽人景泰間由鄉貢知濟縣持
操潔白人呼葉青天有盜子貢墓者格殺數十

人衡以計擒之濬隣彰德其守將不戢士恣為暴衡
奏譴其指揮三人百戶十人自是民得安息後以老

歸

吳祚

舊志字子工德瑞安人景泰舉人授常州府判歲
祚六稜為民請命得蠲稅糧之半仍發粟萬石賑

之兼理刑冬以手反民有以謀害坐
大辟者訊其罪即為昭雪尋乞歸

壽豐

舊志字舜相樂清人由選貢入太學授霸州知
州壽豐內設外邊俗悍而民貧愷以廉平治之崇

學校理免獄通水利為賦徭政聲大著致有鴛鳥食
蝗之異秩滿霸民乞留歷三考俱最以憂去民勒石

立祠
祀之

項

舊志字崇仁瑞安人成化壬辰進士知建陽
縣廉介自勵政平訟簡甫越歲以憂歸尋卒

侯

舊志字欽爵樂清人自諸生升國學成化中除
惠州興寧知縣肅下車即為條教務農勸學讞

囚出數百人訟至立決民大畏服以疾乞休百
姓泣留都御史咸加慰諭復強起視事卒於官

陳宣 介節

朱諫 舊志字君佐樂清人宏治丙辰進士歷歙豐城

諫諫擊之論如法又預策宸濠有變日儲餉募兵浚
卑增喚人莫測其意去郡後二載而濠果叛王守仁
由吉安起兵竟得其力晚節盤桓鴈山多所題詠

章器 舊志字大用平陽人弘治己未進士授工部主

勢橫行見器特斂戢知鎮遠府民盜難處恩威並行
有星子箝者煽亂計擒之郡賴以安後與監司有隙

歸器

章元梅 舊志字和德樂清人綸族子嘗讀書山中一夕

卯鄉薦授湖口令專務德化有中官董大役欲困之
出其不意徵役夫令一呼市民千集役立辦中官駭

服去宸濠猝起湖口無城帥民保他所己乃出奇抄

江中擒其腹心發裝中多朝貴交通書朝貴恨之遂

中元梅帥民出保引棄封守律御史程啟克直之得

釋解官歸垂橐有伍福者貸之金梅賦詩有人憐薄

奉官中盡天予殘生亂後歸句後廿餘載湖口民猶

請其宰移文問前章令君安否著有千峰詩集與朱

諫齊名時有李經勅與元梅交南
北閭而居往來唱和亦以詩名

朱文簡 舊志字元可樂清人徙永嘉弘治舉人敘諭晉

時有尚寇侵暴文簡屢戰勝之殲其巨魁餘黨悉平
按萬歷志晉江增城祠名宦所著有學庸圖說墨溪

會顯 舊志字文煥泰順人由歲貢生歷知永定縣居

久正不服顯單騎入巢穴諭以大義遂降改
令陽山政善民懷九載考最以母老終養

張充 舊志字廷實泰順人宏治歲貢任沔陽州判值

水荒留心撫字沔民德之當道檄督景陵逋賦

引斂百全以進者麾斥去既而攝景陵篆歲祲請賑
緩征巡撫秦按邑景陵民泣訴災傷之際非張侯百
姓槁死秦與郎撫交
薦之及歸囊橐蕭然

王 激 舊志字子揚 澈弟天資英邁丰儀岸偉正德丁
卯以春秋舉省試第二人嘉靖癸未以詩經成

進士令吉水不恃文法民自從令擢吏部文選主事
戊子主廣東鄉試尋遷考功郎中振振幽滯黜陟惟

允轉通政司右通政國子祭酒兼經筵講官世宗御
講帷深屬意以二親並耄乞歸連遘內外艱卒海鹽

鄭端簡為張少師所嫉激每陰掖之及激卒端簡為
位而哭立小傳誌其事即此規激一斑著有文江集

鶴山集子叔
慙鴻臚署丞

黃思親 舊志字伯孝 瑞安人正德丙子鄉薦謁選試銓
部第一授撫州府同知東鄉饑民嘯亂親撫定

之旋戢攝進賢縣篆居官清謹以失權貴歎
拂衣歸屏跡林棲潔修長厚為鄉邦推重

趙廷松 舊志字了後 樂清人嘉靖癸未進士為刑曹郎
時大禮議起廷松偕同列伏闕力爭被杖謫福

寧州同知已又補斬州所在有憲政不
以謫吏弛職業積遷至山西布政使

張 純 舊志字伯貞 孚敬從子嘉靖戊子鄉薦孚敬秉
國純多所贊禱孚敬卒始就東鄉令廉惠有聲

陞太僕寺丞轉南刑部員外郎中考最以不屈時宰
遷山東轉運同知尋陞南康知府修白鹿洞立學規

置田養士以疾致歸著有存愚思問錄紀
遇東鄉等集子鳴鸞鳴鶴鳴鸞別有傳

金 翻 舊志字思漸 樂清人嘉靖辛丑進士授刑部郎
中勘事河南決許氏四十年滯獄不右權貴為所

銜謫蒲絳州同知稍遷徽州府判卒性孝友居喪素
饌結廬偈其親墓自號廬邱道人所著有文峯集非

稿非

王 一 夔 舊志字樂仲 永嘉人張文忠奇其文以子妻焉
由選貢授雲南曲靖府推官憲益州土酋橫暴

計擒制之御史劉廷儀上其功稍遷鬱林州
守乞休歸築野珠浦履素葆真儉然物外

王 叔 杲 舊志字陽德 澈次子蚤舉於鄉以侍父養輟上
春官者再嘉靖戊午倭擾海上復輟計偕緣族

所居築堡捐貲數千金壬戌成進士授靖江令調常
 熟所至尸祝入為兵部郎冢宰楊襄毅引為重欲注
 入選部謝弗應出守大名時大名諸屬邑文學鮮振
 為建書院延師儒課之人才輩出擢蘇松兵備憲副
 經畫水利海防綱繆綜悉晉參政仍留治兵以失當
 路歡聽調歸越歲改福建參政竟不往徜徉泉石距
 郭十里許築賜湖別墅窮山水之勝嘯咏其中義急
 鄉井立捐千百無吝色改建府庠及孤嶼仙巖諸名
 勝多費其帑壽八十四著有玉介園稿

王光蘊

舊志字季宣叔果子舉嘉靖辛酉鄉薦授寧都
 令以廉潔稱遷寧國郡丞多善政改衡府長史

引致道聞母林恭人恙馳歸侍藥一晝夜乃卒人謂
 孝感所致著有太玉洞齋稿及修溫州府志子至言
 萬歷庚子副榜以纂修玉牒授太常
 典簿至章貢生任雲南建水州知州

葉世德

舊志字有懷樂清人徙永嘉嘉靖甲子舉人授
 廣昌令益藩新置王莊民稱不便申文止之新

學校創義倉與民共利擢漳州同知職海防兼番船
 稅力革夙弊一切餽遺謝却之遷楚藩長史致仕漳

民立祠紀遺愛著
 有拙齋錄江右稿

孫昭

舊志字明德永嘉人嘉靖甲辰進士令永豐再
 補魏縣節弊懲奸改稱異等擢雲南道御史巡

茶陝西更定茶馬法至今更之復按河南論宗藩之
 不去者蒙旨奪爵民得安席按部持風裁先聲虜魄
 所至有解綬去者輿疾歸卒詩
 文簡峭勁拔有西行稿斗城集

杜克遜

舊志字宗膚平陽人嘉靖甲子鄉薦授閩歸化
 令故事賦長盛其贊謁令因得與宴列次庶下

驚曰焉有長吏貪餌與齊民飲一堂者耶遽命撤去
 揮金於地在任新壇壇學舍振勸士于邑患巨盜計
 擒之歷陝西行太僕再轉廣西羅城引
 致歸林居十年不人城市有秦遊集

王良心

舊志字性德永嘉人隆慶辛未進士授增城令
 邑地僻民貧多剽掠良心至賑民養士修學築

城邑以大治尋擢兵科給事中疏請崇大孝修德業
 饒邊城嚴武備等二十餘事皆激切時政不避權貴
 在諫垣二年卒增城人廟祠
 與前令樂清朱文簡合祀

蔡立身 舊志平陽人字師曾芳從孫髫歲遊庠督學林

第 萬歷改元試南闈已掇元以浙產抑第六殿撰

遊覽 絡繹延為塾師七上春官不第授青陽令九華山

明福 之在九華者加意造士捐俸給館粥膏油遷高

縣志 九華山志上蔡譜星山遜叟集

葉承遇 福建通志字思章永嘉人萬歷五年知莆田先

浮糧 難會又編派里甲悉為更定即豪貴無所避至

今談 均田均役者必首推承遇云按舊志承遇萬歷

道監 察御史抗疏論楊冢宰排拘言官舒司寇滯滯

無辜 朝紳動色力請禁革保店時柄國姻婭有憲闕

者甚 岸恣論罷之以此見忤出為江西按察僉事禾

踰年 閩撫承望風旨論承遇治莆時事遂引疾歸遽

卒莆 人奉祠名宦

所著 有筮仕錄

王繼明

舊志字用晦永嘉人萬歷甲戌進士授當塗令

與利除害奸黨斂迹邑當孔道時張居正母喪

馳驛還楚所過皆結綵相候繼明無所加禮居正銜

卓稱久之補樂安令奏最擢南曹歷守鎮江襄陽太

平三郡陞四川按察使卒夔人以宋王十朋會宦於

此合祠祀之名二王祠

張德明

舊志號毅字永嘉人徙樂清萬歷丙戌進士授

刑部主事歷郎中出守寧國礦使至郡人情洵

不橫墜一郡帖然擢湖廣副使以叅政致仕

吳寶秀 舊志字汝珍平陽人萬歷己丑進士歷遷南康

知府甫六十日決滯獄殛奸民一郡肅然巨璫

李道權稅湖口窮捕商艘波及郡民寶秀持不可遂

誣奏逮詔獄妻陳氏請同行不得雉經以殉合郡哭

送境上郡民陳英熊煥輩叩關願以身代臺省交章

論救會星變乃得宥歸上亦悟撤李道詔以有司

代其任熹宗立贈太僕寺少卿妻贈恭人

賜御祭廢子鳳起歷官刑部員外郎

循吏

人物

卷二十一

三

項維聰

舊志字懋德永嘉人萬歷戊戌會魁任休寧令折獄多所平反有早秩在脫中置金於署以獻

立官叱還之鄉試分闈得相國錢棧山方伯汪來虞以許權使及探礦中涓移令高淳晉工部郎督稅燕

湖歷知吉安建昌九江三府清節彌著遷廣西右江按察副使武山搖梗化倖功者議興師維聰力沮之

地後以疾終於家

侯傅邦

舊志字君霖樂清人徙永嘉一元子萬歷甲辰進士歷工部郎出知廣州卻番舶丈抽例金平

反庶獄舉人黎崇勛以談兵謫下獄力為出之罷征

他起以母苦炎蒸思鄉上奉歸臺使者許其送母踰境即返任備那度嶺望板輿子攀轅不復返矣歸

歲餘

侯應賓

舊志字觀之樂清人徙永嘉一元孫萬歷甲辰進士任武昌推官折大獄多所平反直指使託

以簡恤湖南北庶獄又條奏運木停稅及水災請賑所全活數萬人已酉聘校蜀闈遴拔皆名士晉禮部

郎尋擢知漳州引疾乞歸林居七年於鄉邦造福力為陳請此外不通一札著有疏草詩集行世予思

從子思芹思驥俱貢於鄉思芹任銅陵令

王光經

舊志字景濟永嘉人萬歷丁未二甲第一授禮部主事冊封淮府轉刑部郎勘問陳槐冒認皇

親懸案十四載一言剖折封爵遂定卹刑山西豁疑

辟二百三人擢陝西關西道力罷開採以息礦盜改

徵線米為折色以裕王糧捐俸銀四百八十金以助

大工俾灑派不及百姓新裴晉公韓昌黎祠建蒼頡

經閣殫精學畫不顧勞瘁遷廣東嶺南道副使卒於

官生平無他玩好止藏書萬卷手不廢簡常曰士大

夫一日不讀書則性情疎散義理荒錯致君將憑何術時以為名言

王維夔

舊志字邦佐永嘉人萬歷己未進士初令南城

闡鍾豕宰恂鄒侍御毓祚咸出其門甲子舉卓異行

取比入都以不附瑞黨僅授兵部主事轉員外郎出

督江右學政文風丕變歷荆南道時流寇正躡荆襄

繕兵治餉堵禦無遺力擢江右藩長觀回聞吉袁告

陷星馳調設兵餉應援事平會推巡撫以積勞引致
壽賦性仁厚林居恤貧交賑飢民禦悍寇鄉邦尸祝
卒年八十子錫瑄刑部司務錫琬青田教諭錫瑄登
順治士辰進士別有傳孫演需康熙壬子選拔授奉
化教諭

林必成

舊志字君學永嘉人萬歷癸卯舉人授四川郫
縣知縣為政持大體以教養為首務繕學築堰
修舉廢墜士民悅服攝成都縣篆績最行取會奢賊
圍城悉力拒守事平叙功欽賚銀幣以父艱歸致疾
久之卒遂理學講業授受及門多雋士

周一奎

舊志字元六永嘉人少警敏工古文詞萬歷間
以選貢通判惠州屢攝郡邑篆多惠政黎穡負
固監王師討平之擢安州守州治湫隘不便於民乃
改遷樂原社稷城池學宮堂署並因時措置州人德
而祠之著有平黎一著

李維樾

舊志字蔭昌一字天棟瑞安人萬歷乙卯舉人
崇正甲戌授江浦令就莊定山祠祀象山陽明

白沙三君子講學其中人文蔚起獻賦開鳳陽預增
垣濬池練鄉勇及薄城下殲其渠魁九條龍冠遁去
明年復攻陷六合望江浦却走薦廣交上有金陵舊
都保障需人之旨辛巳行取召對稱旨擢戶科給事
中督漕江北請蠲皖災入萬有奇轉禮科右疏薦毛
士龍方震儒倪元璐范景文及請卓忠貞于肅愍贈
恤甲申持節冊封潞藩中途聞變扶服歸傾資召募
討賊忤馬士英意還籍坐臥素園自號素園老人卒

家於

林增志

舊志字任先瑞安人崇正戊辰會魁授蒲圻令
多仁政按院宋賢異之為騰薦剡每月講學明
倫堂士習丕變庚午癸酉兩校楚闈得人最盛考績
異等特擢翰林院編修尋兼東宮講讀經筵講官進
易師卦講章倦切上交忤當路意已卯降待詔旋復
原職癸未會闈同考轉詹事府春坊兼侍講學士甲
申國變披緇入山號法幢老人已而結大隱廬徜徉
永嘉密印及四明大梅山中以壽終子齊鐸州同知
孫邁涑國學生

張展成

舊志字汝陽永嘉人崇正戊辰拔貢中順天廣

州疑獄必以相質矜釋無辜力除豪猾秩滿遷遼州知州夔民攀轅不得前以親老乞歸養優游鄉里輯梓力行編以訓俗自奉淡泊至創宗祠置祀田賜閭黨每不惜厚費焉

國朝

陳邦紀

舊志字燕及永嘉人父立言學行醇備領士午鄉薦任柳州司理邦紀聰雋有父風順治辛卯

名見瀛臺授諸城令

諸城舊為逋逃藪前令率以是累紀下車廉得窩隱巨猾立置之法餘悉捕歸旗部議紀錄歲飢捐俸賑粥活者盈萬崇獎學校梓有課士錄卒於官邑人哀之為立祠城西隄

鄭應鄧

舊志字允法永嘉人性孝友積學淹博為諸生每試冠軍以歲貢訓導義烏擢知襄陵縣下車

後禁革弊政殲除大盜士民頌德屢入薦剡服闋補長安令政績卓異以老乞休

陳天棟

事實冊字隆吉永嘉人明贈光祿大夫朝之孫好讀書慷慨有智畧以例授登州別駕聖吏職

去復除宣府別駕歲歉不及報可開倉賑粟活飢民以萬計巡撫于成龍以賢能薦第一遷九江同知九年多盜甫下車用法鈎捕四境肅然在任十八年致仕歸去官日魏公象樞贈以詩曰救活災黎滿地春

桑乾別去各沾巾高賢預卜他年事不獨循良傳裏人賢者不輕許可即其詩可想見其人矣

謝天埴

事實冊字亦潛永嘉人陽武令包京之孫少英敏為文如行云流水登康熙庚辰第授杞縣令

下車首革重耗禁雜派裁無名行帖清戶口除虛糧宿弊一空會豫荒歉設粥廠於四門悉心經畫四閱月存活萬餘人康熙戊子分校河南一時名雋如賈性輩悉出其門尤喜作養人材修學宮解舍集多士延師教之後以外艱歸卒門下孝廉張圻李庚等不遠數千里來祭子立詩翰亦韶秀著自怡集任白水

陳王綬

事實冊字符章永嘉人給諫堯言曾孫康熙乙未進士天性孝友至老孺慕不減少好學有文

御試

各選拔入成均釋褐後留京教習
 條例六做朱子遺法流民三千餘口設法養贍之奉
 檄赴河北安集三郡流亡悉心籌畫民賴以不擾黃
 河決料民出草不妄派一文而事集時有給糧隱濟
 溝渠殫辦草明辭暮夜金之謠云無地光丁受追呼
 之苦力請按地徵收時錢糧從田起丁尙未奉定
 例王綬在邾已建白以紓民累吳沼河有橋三卑隘
 不能通舟楫重建高大由是邑中泉貨流通王綬以
 親老屢請終養不獲旋調南陽劇邑戢奸艘寇盜却
 溢額羨餘折疑獄如神政如在邾時會豫省直隸州
 缺需員王綬方膺薦以憂歸民哭送數百里不絕所
 著有留燕雜咏續咏集

林上梓

事實冊字次定瑞安人康熙乙酉鄉魁孝友廉
 潔初任邾縣教諭以賢能薦擢知嘉定縣嘉定
 政繁民悍上梓慎折庶獄以至誠感動百姓爭訟者
 必多方曉譬有軍犯僉解貴州過堂時雙眸含淚言
 在監五年老母不相見乞假三日歸家一面上梓憐
 而許之胥役咸驚愕上梓曰其人孝思吾知其無

他後果如期至致仕歸所著有

乙丙集子元州選貢元陵丞

陳天植

事實冊字槐吉永嘉人知延安吉安梧州三郡
 歷有異績政聲顯著天棟其次弟也傳列前三

弟天相字枚吉任真定縣丞政尚仁慈民頌老佛
 上官以卓異題陞真定縣令遠中風乞休歸子明熙

字鐸如少具大志思建事功年十七例任開封府別
 駕上官以年少易之迨蒞事肆應曲當明决如老成

典義塾訓民子弟卓異陞山東膠州牧爲民興利除
 害絕饋遺抑豪強案無滯牘膠人感戴至今追頌

張元彪

事實冊字肇炳永嘉人自幼器宇疑重學識宏
 深父式雷素多病易藥必親調嘗患齒牙流血

百方不治頷大請代是夕即愈元彪正己自拔貢
 試第一授海康知縣順道迎養抵官日于城外飲陸

公泉作詩以勵志任九載開義學墾荒土草羨稅創
 養老堂捐修橋閘凡所設施有古良吏風丁巳秋

風爲患被災乞命不下萬人元彪請發倉并議發軍
 需銀以賑府不可因奮曰必報可而後賑則瀕死之

民轉溝壑矣專擅之咎某自任之不以累公也隨具
 領散賑及申省撫軍嘉之好民某匿已賣子於隣省

誣其主毆死援婢為証前令刑供成案元彪廉知其
 情送度其子年齒為雙履并土產詭稱母倩探望子
 果出擒之一縣稱神他皆類是每以親老乞歸出境
 日老幼送者頂香數十里皆雨泣勒巨石于陸公泉
 傍題南合神父以志不忘迨父卧病衣不解帶者彌
 月比逝終夜涕泣致成癰症元彪工古文詞無工草
 書所著有家鑑吳吟燕吟粵吟甌吟等
 集子正宰癸酉副貢止齋拔貢揀選縣

温州府志卷二十一終

